

四庫全書

集部

欽定四庫全書

集部

庾子山集卷十九

詳校官左都御史臣李紱

檢討臣何思鈞覆勘

總校官進士臣朱鈴

校對官助教臣卜維吉

謄錄監生臣張曷

欽定四庫全書

庾子山集卷九

周庾信撰

錢唐倪璠纂註

連珠

擬連珠

傅玄敘連珠曰所謂連珠者興於漢章之世班固賈逵傳穀三子受詔作之其文體辭麗而言約不指說事情必假喻以達其旨而覽者微悟合於古詩飭興之義欲使歷歷如貫珠易看而可悅故謂之連珠陸機復引舊義以廣之謂之演連珠信復擬其體以喻梁朝之興廢焉觀其

辭音懷切略同  
於江南之賦矣

蓋聞經天緯地之才拔山超海之力

左氏傳曰經天緯地曰文史記項羽

歌曰力拔山兮氣蓋世孟子曰扶泰山以超北海

戰陣勇於風颭謀謨出於胸

臆

揚雄曰風發颭拂師古曰颭迴風也

斬長鯨之鱗截飛虎之翼

左氏傳曰古者

明王伐不敬取其鯨鯢而封之以為大戮於是乎有京觀異物志雄鯨雌鯢長者數千里汲冢周書曰無虎傅翼將飛入宮

是以一怒而諸侯懼安居而天下熄

二語出孟

子此章喻梁武帝雄才大力異勇神謀行次熨斗坑王肅十萬之軍兵發襄陽授東昏一夫之首使魏救莫敢爭鋒齊王於焉禪位

是梁朝有天下之始也

蓋聞蕭曹贊務雄略所資

漢書曰蕭何曹參為相國以喻南康即位之時武帝進位

相國也

魯衛前驅威風所假

左氏傳曰太叔之子周公康叔為相睦也論語云魯衛之

政兄弟也以喻帝與齊俱姓蕭氏同承淮陰令整之後為兄弟也

是以黃池之會可以

爭長諸侯

左傳哀十三年曰夏公會單平公晉定公吳夫差於黃池秋七月辛丑盟吳晉爭先吳人

曰於周室我為長晉人曰於姬姓我為伯杜元凱云陳留封丘縣有黃亭及濟水吳與晉於周皆姬姓以喻帝與齊皆蕭姓故得進爵

鴻溝之盟可以中分天下

史記高祖

王公爭長於諸侯也

本紀曰項羽與漢王約中分天下割鴻溝而西者為漢鴻溝而東者為楚以喻梁武帝成江表王業與魏氏中分南北若鴻溝矣此章喻梁帝匡贊擬於蕭曹宗盟同於魯衛故得王公備九錫之儀南北定中分之業江

表之極  
盛者也

蓋聞解封豕之結塞長蛇之源必須製裳千里啼血轅

門左傳申包胥曰吳為封豕長蛇以薦食上國杜云言吳貪害如蛇豕喻侯景也左傳子產曰子有美錦不

使人學製焉大官大邑身之所庇也釋名曰上衣下裳史記文帝紀曰吮血京師索隱曰漢書吮作牒音跽丁

蹠反漢書陳湯傳曰杜業皆言喋血無盟歃事廣雅曰喋履也謂履涉之周禮曰設車宮轅門鄭注謂王行止

宿險之處備非常次車以為藩則仰車以其轅表門言欲寧亂必千里命將盟啼以備非常也是以開

百里之圍用陳平之一策

史記曰高帝擊韓王信於代卒至平城為匈奴所圍七日

不得食高帝用陳平奇計使單于闕氏圍以得開高帝既出其計秘世莫得聞桓譚新論曰或云陳平為高帝

解平城之圍則言其神秘世莫得而聞也以工妙踔善  
故藏隱不傳焉子能權知斯事否吾應之曰此策乃反  
薄陋拙惡故隱而不泄高帝見圍七日而陳平往說關  
氏關氏言于單于而出之以是知其所用說之事矣彼  
陳平必言漢有好麗美女為道其容貌天下無有今因  
急已馳使歸迎取欲進與單于見此人必大好愛  
之愛之則關氏日以遠疎不如及其未到令漢得脫去  
去亦不持女來矣關氏婦女有妬妬之性必增惡而事  
去之此說簡而要及得其用則欲使神怪故  
隱匿不泄也劉子駿聞吾言乃立稱善焉

盟千乘之

### 國須季路之一言

左傳哀十四年曰小邾射以句繹來  
奔曰使季路要我吾無盟矣使子路

子路辭季康子使冉有謂之曰千乘之國不信其盟而  
信子之言子何辱焉對曰魯有事於小邾不敢問故死  
其域下可也彼不臣而濟其言是義之也由弗能以喻  
侯景內附當如季路之於邾射辭之為是不當納也

此章喻梁武帝納侯景之非也景屬高歡潛圖反叛彼既封豕長蛇包藏毒害之志我須製裳敕血得其駕馭之方而乃造次納降漫無區畫既無陳平之奇策又少季路之一言使平城之圍困卒成句繹之叛徒滋盛釀成國禍是以傷之

蓋聞得賢斯在不藉揮鋒股肱良哉無論應變是以屈

倪參乘諸侯解方城之圍

屈倪屈完也左傳僖四年曰齊侯以諸侯之師侵蔡遂伐

楚楚子使屈完如師師退次於台陵齊侯陳諸侯之師與屈完乘而觀之齊侯曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以為城漢水以為池雖衆無所用之屈完及諸侯盟杜預注云方城山在南陽葉縣

干木為臣天下無西河之戰

史記曰魏



文侯客段干木過其間未嘗不軾也秦嘗欲伐魏或曰  
魏君賢人是禮國人稱仁上下和合未可圖也文侯由  
此得譽於諸侯此章喻梁武帝用朱异等輩委寄失  
才也引古賢臣而寓意自見所謂使覽者微悟合於古  
詩諷興之義是也

蓋聞邯鄲已危徒思馬服

史記曰趙惠文王賜趙奢為馬服君與廉頗藺相如同位

秦與趙兵相距長平時趙奢已死奢子趙括代廉頗為  
將括軍敗數十萬之衆遂降秦秦悉坑之趙前後所亡  
凡四十五萬明年秦兵遂圍邯鄲歲餘幾不得脫  
藺城去矣空用荆軻

史記曰秦兵臨

易水禍且至燕太子丹陰養壯士二十人使荆軻獻督  
亢地圖於秦因襲刺秦王秦王覺殺荆軻使將軍王翦  
擊燕十月而拔薊城燕王亡徙居遼東斬  
丹以獻秦秦拔遼東虜燕王喜卒滅燕  
是以竹杖扶

危不能正武擔之石

漢書曰張騫言使大夏時見蜀布印竹杖蜀本紀曰武都有丈夫化

為女子顏色美好蓋山精也蜀王娶以為妻不習水土疾病欲歸國蜀王留之無幾物故故蜀王發卒之成都

擔土於成都廓中葬蓋地數畝高七丈號曰武擔也蜀志曰劉先主即帝位於成都武擔之南裴松之曰武擔

山名在成都西北

蘆灰縮水不能救宣房之河

淮南子曰女媧聚蘆灰以止淫

水高誘曰蘆葦也生於水故積聚其灰以止淫水地平出水為淫水漢書溝洫志曰上使塞瓠子決河歌曰宣

房塞兮萬福求於是卒塞瓠子築宮其上名曰宣房而道河北行二渠復禹舊迹而梁楚之地復寧無水災

此章喻臺城陷後雖名將烈士無所復用邯鄲薊城皆喻建康之敗也竹杖已下言亂勢已成力不能挽哀江

南賦云散葦不能救鹽池之鹹阿膠不能止黃河之濁即此意也

蓋聞穴蟻衝泉未知遠慮

易林曰蟻封穴戶大雨將至

玄禽巢幕何

能支久

左傳襄二十九年云吳公子札謂孫文子曰夫子之在此也猶燕之巢於幕上杜預曰言至危

也按燕一名玄鳥詩云天命玄鳥故稱玄禽也

是以大厦既焚不可灑之以淚

長河一決不可障之以手

西京賦曰大厦耽耽薛綜曰屋之四下者為厦江淹別賦

云去復去兮長河湄此章喻臺城陷後侯景入城武帝簡文為賊臣所制如蟻在泉中悲長河之一決燕巢幕上觀大厦之既焚豈可手障淚灑言其不能救也

蓋聞膏脣喋喋市井營營或如簧自進或以狙詐相

傾史記匈奴傳曰喋喋而佔佔冠固何當索隱注曰喋音謀利口也服虔曰口舌為喋莊子云仲尼曰商賈

且於市井以求其贏司馬彪曰九夫為井井有市列子  
林類曰吾又安知營營而求生之非惑乎鮑照行樂至  
城東橋詩曰擾擾遊宦子營營市井人詩云是以子貢  
巧言如簧漢書秦據勢勝之地騁狙詐之兵

使乎五都交亂

史記仲尼弟子傳曰子貢一出存魯亂齊破吳彊晉而霸越子貢一使使勢相

破十年之中張儀見用六國縱橫

史記索隱注曰張儀說六國使連衡而事

秦山東地形從長蘇秦相六國今從親而賓秦關西地  
形衛長張儀相六國今破其縱而連秦之衡故蘇為合  
從張為連衡也衡音橫東西為橫南北為從也此章  
喻諸王授兵之日譏諍者多以致兄弟猜嫌骨肉屠害  
張繡有起兵聚米之說遂爾闕牆蕭綸有代景行師之  
言聞之掩泣哀江南賦云晉鄭靡依魯衛不睦是也  
蓋聞謀猷是習權變須長時增齊竈或卧燕牆

史記曰孫臏使

齊軍入魏地為十萬竈明日為五萬竈明日為二萬竈  
後漢書曰虞詡征朝歌賊令吏士各作兩竈日增倍之  
或問曰孫臏減竈而君增之何也詡曰孫臏見弱吾今  
示強勢有不同故也崔鴻十六國春秋曰建興十年慕  
容寶軍參合魏縱兵擊之燕軍敗走赴水死傷者四五  
萬人十一年慕容垂至參合見往年戰處積骸如山設  
祭弔之禮死者父兄子弟皆號哭六軍哀慟垂慚憤嘔  
血因而寢疾乘馬輿而進頓平城西北三十里積十日  
疾篤踰山結營築  
燕昌城以自固

是以井陘之兵如鴻毛之遇火

漢書曰韓

信張耳欲東下井陘擊趙未至井陘口三十里止舍使  
一大赤幟戒曰趙見我走必空壁逐我若拔趙幟立漢  
幟趙人還歸壁見漢赤幟大驚以漢為破趙矣遂  
亂遁走於是漢軍夾擊破趙斬成安君擒趙王歇  
之卒若秋草之中霜

史記曰秦與趙兵相拒長平趙括為將秦將白起縱奇兵佯敗走而

絕其糧道分斷其軍為二士卒離心四十餘日軍餓趙括出銳卒自搏戰秦軍射殺趙括括軍敗數十萬之眾眾遂降秦秦悉坑之趙前後所亡凡四十萬此章喻王僧辯等平景之師也

蓋聞彼黍離離大夫有喪亂之感

詩序曰黍離閔宗周也周大夫行役過故

宗廟宮室盡為禾黍故為黍離之詩

麥秀漸漸君子有去國之悲

史記曰武王封

箕子於朝鮮而不臣也其後箕子朝周遇故殷墟感宮室毀壞生禾黍箕子傷之欲哭則不可欲泣為其近婦人乃作麥秀之詩以歌詠之其詩曰麥秀漸漸兮禾黍油油兮彼狡童兮不與我好兮所謂狡童者紂也殷民聞之皆是以建章低昂不得猶瞻灞岸  
三輔黃圖曰武帝太初元年作建章宮度為千門萬戶王粲七哀詩曰南登灞陵岸迴首望長安建章灞岸在西京以喻梁都在建業傷故宮

之殘毀也

德陽淪沒非復能臨偃師

三輔黃圖曰景帝廟號德陽宮後漢書曰光武

出自景帝漢書地理志云河南郡有偃師縣在洛陽東三十里光武都洛是臨偃師以喻元帝都江陵之後傷中興之道銷也此章喻梁國之亡似感宗周如悲殷室建康一敗既傷故國之殘江陵三年無補中興之業此子山所以舊國舊都望之悵然者也

蓋聞市朝遷貿山川悠遠

古出夏北門行曰市朝易人穆王傳道里悠遠山川間之

是以狐兔所處由來建始之宮

潘岳西征賦曰狐兔窟穴於殿傍魏志曰建安

二十五年正月曹公在洛陽起建始殿

荆棘參天昔日長洲之苑

雍門周曰墳墓

生荆棘狐兔穴其中吳都賦云佩長洲之茂苑此章喻克復之後還都江陵朝市既移山川遂隔太清曜亂

之後既已陷沒臺城聚橫入獵之餘復令揚灰太極羽儀輦路莫有子遺戶口人民百遺一二而故宮於焉永矣泰

蓋聞天方薦瘥喪亂弘多

詩小雅節南山之辭毛傳云薦重瘥病弘大也

空思

說劍徒聞枕戈

樂記曰裨冕撝笏而虎賁之士說劍也晉書劉琨與親故書吾枕戈待旦志梟

逆虜常恐祖生先吾著鞭方言曰戢吳揚之間謂之戈

是以劉琨之英略莫知自

免

晉書曰劉琨字越石中山魏昌人愍帝即位三年拜為司空都督并冀三州諸軍事幽州刺史鮮卑段匹

磾數遣使要琨欲與同獎王室琨由是率衆赴之從飛狐入薊匹磾見之甚相崇重與琨結婚約為兄弟是時西都不守元帝稱制江左琨乃令溫嶠勸進於是河朔征鎮夷夏一百八十人連名上表元帝轉琨為侍中太



尉其餘如故并贈名刀琨答曰謹當躬自執佩馘獲二  
酋匹琨奔其兄喪琨遣其世子羣送之為末波所獲因  
共結盟而襲匹琨密遣使齎羣書請琨為內應而為匹  
琨邏騎所得時琨別屯故征北府小城不之知也因來  
見匹琨匹琨以羣書示琨曰意亦不疑公是以白公耳  
琨曰與公同盟志契王室仰憑威力庶雪國家之恥若  
兒書密達亦終不以一子之故負公忘義也匹琨雅重  
琨初無害琨志將聽還屯其中弟叔軍好學有知謀為  
匹琨所信謂匹琨曰吾外夷耳所以能服晉人者畏吾  
衆也今我骨肉構禍是其良圖之日若能奉琨以起吾  
族盡矣匹琨遂留琨匹琨所署代郡太守辟間嵩與琨  
所署雁門太守王據後將軍韓據連謀合作攻具欲以  
襲匹琨而韓據女為匹琨兒妾聞其謀而告之匹琨於  
是執王據等悉誅之會王敦密使匹琨殺琨匹琨遂縊  
之子姪四人俱被害按劉琨喻王僧辯也梁元帝承制  
江陵僧辯勸進猶晉元帝承制江左劉琨勸進也僧辯

為陳霸先所繼猶劉琨為段匹磾所繼也兩人行跡相  
似故引用之且陳武無匹磾之忠而蹈處仲之迹遂致  
易梁為陳王公祖逖之慷慨裁能渡河晉書曰祖逖字  
之不免也惜哉祖逖之慷慨裁能渡河士雅范陽道人  
也輕財好俠慷慨有節京師大亂逖以社稷傾覆常懷  
振復之志元帝以逖為奮威將軍豫州刺史給千人廩  
布三千匹不給鎧仗使自招募仍將本流徙部曲百餘  
家渡江中流擊楫而誓曰祖逖不能清中原而復濟者  
有如大江辭色壯烈衆皆慨歎屯於江陰起鑄冶兵器  
得二千餘人而後進前後剋獲由是黃河以南盡為晉  
土詔進逖為鎮西將軍石勒不敢窺兵河南予山引此  
恨當時無此人陳霸先不足云也此章喻建業陽九  
江陵百六王僧辯有討平侯景之功而鮮保身之哲陳  
霸先慷慨覬覦梁鼎之意而無渡河之心此南風之所以  
不競也

蓋聞穀林長送蒼梧不從

呂氏春秋曰堯葬穀林即陽城堯都平陽

於詩為唐國禮記謂舜葬蒼梧三妃未從以喻元帝之死也

惟桐惟葛無樹無封

左傳

哀二年云趙簡子誓曰若其有罪絞繼以戮桐棺三寸不設屬辟注桐棺三寸禮記夫子制於中都四寸之棺五寸之槨以斯知不欲速朽也鄭康成注云此庶人之制也棺用難朽之木桐木易壞不堪為棺故以為罰墨子尚儉有桐棺三寸漢書楊王孫曰昔帝堯之葬也窆木為匱葛藟為絨服度曰藟葛蔓也一曰藟亦草名葛之緤也絨束也音工咸反周易曰古之葬者厚衣之以薪葬之中野不封不樹以喻元帝葬用帑席茅裏尸也

是以隋珠日月無鹽驪山之火

搜神記曰隋國之侯見大蛇傷者療而愈之蛇銜珠以報其德故稱隋珠西都賦曰隋侯明月漢書劉向疏曰秦始皇葬於驪山之阿其後牧兒亡羊羊入

其鑿牧者持火照求  
羊失火燒其臧柳

雀臺絃管空望西陵之松

魏志曰建安十

五年冬作銅雀臺魏武遺令曰吾伎人皆著銅雀臺於臺上施六尺牀總帳朝晡上晡猶之屬月朝十五日輒向帳作伎汝等時時登銅雀臺望吾西陵墓田謝朓銅雀臺詩曰鬱鬱西陵樹詎聞歌吹聲李善曰不敢指斥故以樹言之也此章喻梁元被戮不以人君之禮葬也江陵之敗遭岳陽之詰辱命傅準以行刑一棄之土罰甚桐棺一乘之車殉同鮮葬嗚呼生為撥亂之君死葬庶人之禮是以對驪山以興思望西陵而泣下津陽門外有故君之感焉

蓋聞雷驚獸駭電激風驅陵厯關塞枕跨江湖是以城

形月偃陣氣雲鋪

水經注曰河左有却月城亦曰偃月壘戴監軍築故曲陵縣後乃沙羨縣

治也昔魏將黃祖所守遣董襲陸統攻而禽之禰衡亦  
遇害於此湘中記曰遙望衡山如陣雲史記天官書曰  
陣雲如立垣言武陵王紀師次西陵軍容甚盛非綠林  
元帝命陸法和拒之立七勝之城鎖江斷峽也

### 之散卒即驪山之叛徒

後漢書劉玄傳曰諸亡命共攻  
離鄉聚藏於綠林中注云綠林

山在今荊州漢書英布傳布友薛公曰布以驪山之徒  
自致萬乘此皆為身不顧後慮喻任約謝答仁等本侯  
景之黨也袁江南賦云驅綠林之散卒拒驪山之叛徒  
營軍梁溁蒐乘巴渝皆謂拔逆黨以攻蜀也與此同元  
帝紀云承聖元年八月武陵王紀引兵東下二年五月  
帝拔任約於獄以為晉安王司馬撤禁兵以配之又於  
獄拔謝答仁為步兵校尉配衆一旅上赴以助陸法和  
是也此章喻元帝攻蜀之師復用侯景之黨也楚蜀  
雖有間牆之隙然本兄弟之國輔車相依唇亡齒寒者  
也蜀亡而楚必隨之忘宿憤以結新讐驅叛徒而抗骨

月王琳以藉盛師徒而遷之嶺外法和方大聚兵艦而復阻襄陽是以魏師卒至俛首係頸雖任約在外答仁請從帝豈能推腹心於彼耶宜其有江陵之敗也與

蓋聞死別長城生離函谷

揚泉物理論曰秦築長城死者相屬民歌云生男慎勿舉

生女哺用脯不見長城下尸骸相支拄戰國策曰秦東有峭函之固韋昭曰函谷關也時西魏都長安本故秦地江陵平男女遼東寡婦之悲代郡霜妻之哭遼東寡婦未詳

疑謂蔡文姬沒于南匈奴為遼東也史記趙世家曰襄子姊前為代王夫人襄子北登夏屋諸代王使厨人探銅料以食代王及從者行斟陰令宰各以料擊殺代王及從官遂興兵平代地其姊聞之泣而呼天摩笄自殺代人憐之所死地名之為摩笄之山遂以代封伯魯子周為代成君是以流慟所感還崩

杞梁之城

列女傳曰齊杞梁殖之妻莊公襲莒殖戰而死杞梁之妻無子內外皆無五屬之親既無

所歸乃枕其夫之尸於城下而哭內誠動人道路過者莫不為之揮涕十日而城為之崩既葬遂赴淄水而死

灑淚所沾終變湘陵之竹

博物志云舜崩二妃啼以涕揮竹竹盡

斑此章喻江陵之陷殺傷者衆屠戮之慘繼以別離如杜畿被害王褒獻俘男女盡為入關弱小至於加戮所以啼枯湘水哭壞杞城也

蓋聞三世用兵既非貽厥

史記曰陳勝之反秦秦使王翦之孫王離擊趙圍趙王及

張耳鉅鹿城或曰王離秦之名將也今將強秦之兵攻新造之趙舉之必矣客曰不然夫為將三世者必敗必敗者何也以其所殺伐衆矣其後受其不祥今王離已三世將矣居無何項羽救趙擊秦軍果虜王離陰

謀累葉必以凶終

史記陳平曰我多陰謀是道家之所禁吾世即廢亦已矣終不能復起以

吾多陰禍也其後曾孫陳掌以衛氏親貴戚願得續封陳氏然終不得

是以李都尉之風

霜上蘭山而箭盡

史記曰李陵拜騎都尉天漢二年使陵將其射士步兵五千人出居延可

十餘里單于以兵八萬圍擊陵軍陵軍五千人兵矢既盡救兵不到遂降匈奴單于以女妻陵而貴之漢聞族

陵母妻子自是

陸平原之意氣登河橋而路窮

晉書曰陸機為

長沙王又敗於河橋孟玖譖於成都王穎穎殺之將刑嘆曰華亭鶴唳豈可復聞乎賊蔡緒晉書曰成都王表理機起為平原內史故稱平原千寶晉紀曰初陸抗誅步闡百口皆盡有識尤之及機雲見害三族無遺此

章喻江陵之敗僧祐戰死買臣敗績王褒俘虜似蘭山之箭盡杜畿兄弟若河橋之路窮



蓋聞營魂不反燐火宵飛

楚辭曰載營魂而升霞陸士衡文賦云覽營魂以探賾顚

精爽而自求老子曰載營魄抱一能無離乎鍾會曰載辭也經護為營形氣為魄謂魂魄經護其形氣使之長

存也左傳樂祁曰心之精爽是為魂魄陸士衡贈從兄車騎詩曰營魄懷茲土精爽若飛沈銑曰營心府間

也言心府魂魄懷於吳土而精爽若飛若沈不定也此云營魂即營魄也言心府間魂魄無所歸也淮南子曰

人血為燐許慎注曰兵死之血為鬼火時遭獵夜之兵崔豹古今注云螢火一名燐亦名宵飛

或斃空亭之鬼

晏子春秋景公畋于梧丘夜夢有五丈夫稱無罪晏子曰先君靈公畋五丈夫

駭獸斷其頭葬之曰五丈夫丘後漢書陳亭有鬼數殺遇客王忱除郡令有女子訴曰妾夫為浯令之官過宿

此亭亭長無狀枉殺妾家十餘口埋在樓下悉盜取財貨恠問亭長姓名女子曰即今門下遊徼者也明旦問

遊微詰問具服罪即收繫及同謀十餘人悉  
伏辜遣吏送其喪歸鄉里於是亭遂清安

是以射聲

營之風雨時有冤魂

射聲校尉漢武帝置光武建安七年省漢書音義曰射聲謂工射者

也夜中聞聲則射之因以為名後漢書曰曹褒遣射聲  
校尉射聲營舍有停棺不葬百餘所褒親履行問故吏  
對曰此多是建武以來絕無後者褒

廣漢

集作

郡之陰

寒偏多夜哭

東觀漢記曰陳寵字昭公沛國人轉廣漢太守先是洛陽城南每陰常有哭聲聞於

府中寵使案行昔歲倉卒時骸骨不葬者多寵乃勅縣  
葬埋由是即絕謝惠連祭古冢文云射聲垂仁廣漢流  
渥是也廣漢俗本作廣莫以漢字轉寫誤漢漢復誤為  
莫也王隱晉書劉隗奏曰懷情抱恨雖沒不亡故有隕  
霜之應夜哭之鬼王融策秀才文云桂林多夜哭之鬼  
也此章喻戰爭之後殺傷者多與哀江南賦鬼火亂

於平林傷蒐遊  
於新市意同

蓋聞江黃戎馬之徼郢鄢風颭之格

江黃郢鄢皆楚地也江黃春秋時羸

姓國名左傳江黃道柏皆弦姻也後為楚所滅老子曰天下無道戎馬生於郊漢書地理志曰南郡宜成故郢又郢楚別邑故郢文選凡羸字五臣本作颭疾風也乍有去而不歸或無期而

遠客

言江黃郢鄢之間遭亂離也

是以章華之下必有思子之臺

左氏

傳曰楚靈王成章華之臺及乾谿之辱蔡公使殺太子祿及公子罷敵王聞羣公子之死也自投於車下曰人之愛其子也亦如余乎又曰余殺人子多矣能無及此乎雲夢之傍應多望夫之石  
列異傳曰武昌新縣北山昔有貞婦其夫從役婦攜幼子餞送此山立望而形化為石張揖曰雲夢在南郡華

容縣 此章喻江陵閩城長幼被擄入關哀江  
南賦所謂石望夫而逾遠山望子而逾多者也

蓋聞無怨生離恩情中絕空思出水之蓮無復迴風之

雪

曹子建洛神賦曰河洛之神名曰宓妃其形也迫而  
察之灼若芙蕖出淥波又云飄飄兮若流風之迴雪

是以樓中對酒而綠珠前去

晉書曰孫秀使人求綠珠  
石崇不許秀怒乃勸趙王

倫誅崇矯詔收崇等崇正宴於樓上介士到門崇謂綠  
珠曰我今為爾得罪綠珠泣曰當效死於官前因自投

於樓下而死

帳裏悲歌而虞姬永別

史記曰項王軍壁垓下  
聞漢軍四面皆楚歌項

王乃大驚曰漢皆已得楚乎是何楚人之多也項王則  
夜起飲帳中有美人名虞常幸從駿馬名騅常騎之於  
是項王乃悲歌慷慨自為詩曰力拔山兮氣蓋世時不  
利兮雖不逝雖不逝兮可奈何虞兮虞兮奈若何注云

楚漢春秋曰漢兵已略地四面楚歌聲大王意氣盡賤  
妾何聊生此章喻江陵覆亡貴人妻妾盡被俘擄今  
時離怨平昔恩情雖復色茂開蓮風如迴雪而高臺已  
傾愛妾何在綠珠則已墮吹樓虞姬則聞歌夜帳矣

蓋聞樹彼司牧既懸百姓之命及乎厭世復傾天下之

心是以一馬之奔無一毛而不動一舟之覆無一物而

不沈

左傳邾文公曰天生民而樹之君使司牧之孔叢  
子貢曰馬奔車覆此章喻梁之興亡皆由武

帝一敗之後不復振也方其誅東昏而興既使百姓待  
命及夫納侯景而亂復令天下傾心所謂自我得之自  
我失之者也是以武陵僭號蜀國既亡湘東雪讎江陵  
復敗蕃屏既已無餘技葉又將盡落岳陽西附僅通一  
州敬帝南還終悲易姓譬如馬奔毛  
動舟覆物沈天之所壞不可支也

蓋聞嚴霜之零無所不肅長林之斃無所不標

左傳哀十二年

子木曰長木之斃無不標也國狗之瘠無不噬也而況大國乎杜預曰標擊也是以楚塹既填

遊魚無託吳宮已火歸燕何巢

楚塹謂江陵也吳宮謂建鄴也遊魚歸燕信自

謂也越絕書吳地傳曰東宮秦始皇十二年守宮者照燕失火燒之此章喻大梁之亡如哀秋搖落江陵潰

敗嗟楚塹之既填建鄴凋殘悲吳宮之已火已遂無所依歸也

蓋聞名高八俊傷於閹豎之黨

後漢書黨錮傳曰桓靈之間主荒政謬國命委

於閹寺士子羞與為伍故匹夫抗憤處士橫議遂乃激揚名聲互相題拂天下名士為之稱號李膺荀昱杜密王暢劉祐魏朗趙典朱寓為八俊俊者言人之英也靈帝詔捕張儉大長秋曹節因此諷有司奏捕前黨百餘

人皆死

獄中 智周三傑斃於婦女之計

史記高祖曰張良蕭何韓信此三者皆人

傑也吾能用之此吾所以取天下也又韓信傳曰呂后使武士縛信斬之長樂鍾室信方斬曰吾悔不用

蒯通之計乃為兒女子所詐豈非天哉

是以洪澤之蛟遂挫長饑之虎平

臯之蟻能摧失水之龍

楚辭曰神龍失水而陸居兮為螻蟻之所裁王逸曰螻蟻蛄也

蟻虬蟬也莊子庚桑子曰吞舟之魚碭而失水則蟻能苦之嵇康贈秀才入軍詩曰流磻平臯此章喻已入

魏之後束手受困雖有八俊之名三傑之智無所用之如猛虎長饑之候神龍失水之時也

蓋聞吳艘蜀艇不能無水而浮

淮南子曰越舡蜀艇不能無水而浮高誘注曰

舡小船也蜀艇一版之舟若無水以紅間綠不能無弦不能獨浮也說文曰艘船總名也

欽定四庫全書

卷九

而射

淮南子曰烏號之弓銘子之弩不能無弦而射

是以樊籠之鶴寧有六翮

之期翫驪之馬無復千金之價

新序曰郭隗謂燕王曰古之君有以千金市千

里馬者三年不得人請求之三月得馬已死矣買其骨以五百金君大怒之人曰死馬骨且市之況生馬乎天下必以玉為好馬矣於是不暮年千里馬至者二此章喻已屈體魏周不能復振雖國有讎仇而身無權藉有如樊籠之鳥豈望奮飛又若翫驪之馬已曾葬腹

蓋聞性靈屈折鬱抑不揚乍感無情或傷非類

左氏傳曰非我

類是以嗟怨之水特結憤泉感哀之雲偏含愁氣

東宏後漢

紀耿恭曰聞貳師將軍拔佩刀以刺山而飛泉湧出乃整衣拜禱飛泉奔出謝惠連雪賦曰寒風積愁雲繁此



章喻已降魏之後窮困愁苦也少卿有云終日無親但見異類舉目言笑誰與為歡是以嗟怨成水哀感生雲也

蓋聞遷移白羽流徙房陵

春秋昭十年云冬許遷於白羽左氏傳曰楚子使王子勝

遷許於析實白羽淮南子云趙王遷流於房陵思故鄉則為作山木之謳聞之者莫不隕涕括地志云趙王遷墓在房州房陵縣西九里也離家析里悽恨撫膺列子曰撫膺而恨膺胸也是以

吳起之去西河潛然出涕

呂氏春秋曰吳起治西河王錯譖之魏武侯武侯使人召

吳起至岸門止車而立望西河泣數行下其僕曰竊觀公之志視天下若舍履今去西河而泣何也吳起雪泣應之曰使我畢能秦必亡西河今西河荆軻之別燕市之為秦不久矣起入荆西河果入秦

悲不自勝

史記曰荆軻嗜酒日與狗屠及高漸離飲於燕市酒酣以往高漸離擊筑荆軻和而歌於

市中相樂也居頃之燕太子丹質秦亡歸厚養荆軻西刺秦王為秦所殺此章喻已家本江陵播遷秦地如

許邈白羽趙虜房陵鄉關之思彌殷悽恨之情遂切吳起之泣西河荆卿之悲燕市子山之哀江南有旨哉有

哉旨

蓋聞廉將軍之客館翟廷尉之高門盈虛倏忽貴賤何

論史記曰廉頗之免長平歸也失勢之時故客盡去及復用為將客又復至廉頗曰客退矣客曰吁何見之

晚也夫天下以市道交君有勢我則從君君無勢則去此固其理也有何怨乎漢書鄭當時傳曰下邳翟公為

廷尉賓客填門及廢門外可設雀羅後復為廷尉客欲往翟公大署其門曰一死一生乃見交情一貧一富乃

知交態一貴一賤交情乃見是以平生故人灌夫不去史記曰灌夫

卿相待中賓客益衰及魏其侯失勢亦欲倚灌夫引繩史記曰灌夫引繩

批根生平慕之後棄之者蘇林曰二人相倚引繩直之史記曰灌夫引繩

意批根賓客也去門下賓客任安獨存史記曰灌夫引繩

與大將軍等自是之後大將軍青日退而驃騎日益貴舉史記曰灌夫引繩

大將軍故人門下多去事驃騎輒得官爵惟任安不肯史記曰灌夫引繩

此章喻已失勢之後賓客淪散也朱雀航中方愧投戈史記曰灌夫引繩

之日青油幕底遂踞斷袖之賓及夫右衛將軍復關廡史記曰灌夫引繩

公之館中丞御史重開翟尉之門至今羈旅他鄉流離史記曰灌夫引繩

暮齒雖復羣公歎至才子爭交而平生之灌夫幾人門史記曰灌夫引繩

下之任安安在矣史記曰灌夫引繩

蓋聞執珪事楚博士留秦

史記曰莊烏故越之細人也

書曹參傳曰虜秦司馬及御史各一人選為執珪如淳曰呂氏春秋得五員者號執珪古爵名也漢書百官公卿表曰博士秦官掌通古今秩比六百石員多至數十人又儒林傳曰秦始皇兼并天下燔詩書殺術士六學從此缺矣陳涉之王也魯諸儒持孔氏禮器往歸之於是孔平為涉博士以秦禁其業而發憤於陳王也按博士雖為秦官秦禁其業留秦非其好也

晉陽思歸之客臨淄羈旅之臣

左傳

定十三年曰秋七月范氏中行氏伐趙氏之宮趙鞅奔晉陽二子敗荀寅士吉射奔朝歌趙鞅入於絳又按杜預世族譜晉國本在太原晉陽縣變父改之曰晉此云晉陽當謂晉也思歸之客疑即鍾儀事注見哀江南賦序左傳莊二十二年曰陳人殺其大子御寇陳公子完奔齊齊侯使敬仲為卿辭曰羈旅之臣敢辱高位以速官謗杜曰羈寄也旅客也臨淄齊地也是以親友會同漢書地理志曰齊郡臨淄師尚父所封

不妨懷撫悽愴山河離異不妨風月關人

此章喻已鄉關之思也周

陳之兩國通好得與弘正相親南北之流寓各還獨並王褒不遣此子山所以目極千里傷心悲冤兮歸來哀

江南也

蓋聞五十之年壯情久歇憂能傷人故其哀矣是以譬

之交讓實半死而言生

述異記曰黃金山有楠樹一年東邊榮西邊枯後年西邊榮東

邊枯年年如此張華云交讓樹也

如彼梧桐雖殘生而猶死

枚乘七發曰龍門之

桐高百尺而無枝其樹半死而半生

此章喻已哀傷

易老壯志久衰豈交讓之全生實梧桐之半死遺矢之說是所甘心據鞍之情吾無望矣燭之武之言無能為也

蓋聞秋之為氣惆悵自憐

宋玉曰悲哉秋之為氣也

耿恭之悲疎勒

後漢書曰耿恭字伯宗慷慨多大略有將帥才永平十七年以恭為戊巳校尉屯後王部金蒲城恭以疎勒城傍有澗水可固乃引兵據之匈奴攻恭會顯宗崩救兵不至車師復畔與匈奴共攻恭恭屬士衆擊走之數月食盡窮困乃煮鎧弩食其筋革恭與士推誠同死生故皆無二心而稍稍死亡餘數十人建初元年漢遣軍迎校尉城中皆稱萬歲開門共相待泣遂相隨俱歸虜兵追之且戰且行吏士饑困發疎勒時尚有二十六人隨路死沒三月至玉門惟餘士二人衣履穿決形容枯槁

班超之念酒泉

後漢書曰班超字仲

升扶風平陵人封定遠侯超自以久在絕域年老思土上疏曰臣不敢望到酒泉但願生入玉門闕注玉門闕屬敦煌郡今沙州也去長安三千六百里闕在敦煌縣西北酒泉今肅州也去長安二千八百五十里也

是

以韓非客秦避讒無路

史記曰秦王見韓非孤憤五蠹之書曰嗟乎寡人得見此人與

之遊死不恨矣李斯曰此韓非之所著書也秦因急攻韓韓王始不用非乃遣非使秦秦王悅之未信用李斯姚賈害之毀之曰韓非韓之諸公子也今王欲并諸侯非終為韓不為秦此人之情也今王不用久留而歸之此自遺患也不如以過法誅之秦王以為然下吏治非李斯使人遺非藥使自殺非欲自陳不得見秦王後悔之使人赦之  
信陵在趙思歸有年

史記曰魏公子無忌封信陵君魏王怒公

子之盜其兵符矯殺晉鄙公子亦自知也已却秦存趙使將將其軍歸魏而公子獨與客留趙十年不歸此童喻已思故國有如宋玉悲秋及夫疎勒不還酒泉何望身羈長安韓非將死於秦路心存建業信陵終念於

魏邦

蓋聞懸鵲百結知命不憂

荀子曰子夏之衣如懸鵲人曰子胡不仕曰諸侯之驕我

者吾不為臣大夫之驕我者吾不復見王隱晉書曰董威於市得碎繒輒以為衣號曰百結衣毛詩傳曰鵲鳥也釋鳥云鵲鵲其雄鵲牝庫李巡曰別雄雌異方之言鵲一名鵲郭璞曰鵲鵲之屬也周易繫辭曰樂天知命故不憂言知命者不憂貧也

十日一炊無時何恥

後漢書注曰第五

十日是以素王之業乃東門之貧民

賈逵春秋序曰孔子覽史記就是非

之說立素王之法鄭康成六藝論云孔子既西狩獲麟自號素王為後世受命之君制明王之法史記曰孔子適鄭與弟子相失孔子獨立郭東門或謂子貢曰東門有人其類似堯其項類皋陶其肩類子產自腰以下不及禹三寸累累若喪家之狗

孤竹之君實西山之餓士

史記曰伯夷叔齊孤竹君



之二子也武王已平殷亂天下宗周而伯夷叔齊恥之  
義不食周粟隱於首陽山采薇而食之遂餓死其辭曰  
登彼西山兮采其薇矣索隱曰西山即首陽山此章  
喻已不當仕也樂天知命則衣弊可以不憂時不我與  
雖無食何足為恥所以東門貧民亦號素王  
西山餓士垂名孤竹而子山已餐周粟矣

蓋聞胸中無學猶手中無錢今之學也未見能賢

論衡曰胸

內無學猶手無錢

是以扶風之高鳳無故棄麥

後漢書曰高鳳字文通南陽葉

人也少為書生家以農畝為業而專精誦讀晝夜不息  
妻嘗之田曝麥於庭令鳳蒞難時天暴雨而鳳持竿誦  
經不覺潦水流麥妻還怪問鳳方悟之  
其後遂為名儒乃教授於西唐山中

中牟之甯越徒

勞不眠

呂氏春秋曰甯越者中牟鄙人也苦耕稼之勞謂其友曰何為可以免此苦也其友曰莫如學

也學三十歲則可以達矣甯越曰請以十五歲人將休吾不敢休人將卧吾不敢卧學十五歲而為周威王之師也此章喻已文籍滿腹不直一錢故云高鳳無故棄麥甯越徒勞不眠傷其大節已虧文章究何補焉

蓋聞十室之邑忠信在焉

見論語

五步之內芬芳可錄

說苑

曰十步之內

是以日南枯蚌猶含明月之珠

漢書地理志曰日南

郡故秦象郡武帝元鼎六年開水經注曰交州合浦郡漢武元鼎六年平越所置孫權黃武七年改曰珠官郡郡不產穀多採珠實史記李斯上書曰垂明月之珠顏微廣州記曰海中有火珠明月珠水精珠

龍門

死樹尚抱咸池之曲

龍門死樹桐也注見上咸池黃帝樂名此章喻已雖身在北朝而

心存南國譬之蚌枯而珠在樹死而曲存此心終為梁也

蓋聞百尺之高累於九基之上

說苑曰晉靈公造九層之臺費用千金荀息聞

之上書求諫曰臣能累十二博碁加九雞子其上公曰子為寡人作之荀息正顏色定志意以碁子置下加雞子其上公曰危哉危哉荀息曰不危也復有危於此者九層之臺三年不成男不耕女不織國用空虛鄰國謀議將興社稷亡滅君欲何望公曰寡人之過也乃至於此即毀九層臺 千鈞之重懸於一

木之枝

呂氏春秋曰薄疑說衛嗣君曰鳥獲舉千鈞又况一斤高誘曰千鈞三萬斤也漢書枚乘上書

曰夫以一縷之任繫千鈞之重上懸之無極之高下垂之百尺之洲雖甚愚之人猶知其將絕也

是以

截虎尾而非險傷龍鱗而未危

尚書君牙曰心之憂危若蹈虎尾涉於春冰韓

子曰夫龍之為物可狎而騎也然喉下有逆鱗說者能無撓人

主之逆鱗則幾矣此章喻已多危慮也百尺加九磬之上千鈞豈一木所支哉茲虎尾將必啞人傷彼龍鱗終遭其怒

蓋聞居蘭處鮑在其所習

大戴禮曰與君子遊安乎如入蘭芷之室久而不聞則與

之化矣與小人遊臭乎如入鮑魚之肆久而不聞則與之化矣是故君子慎其所去就者也論衡曰中人之性在所習習善則善習惡則惡鮑白卯反白羽素絲隨其所染墨子曰墨子見染絲嘆曰

染於蒼則蒼染於黃則黃五入之則為五色故染不可不慎非獨絲也國亦有染湯染伊尹紂染惡來也是

以金性雖質處劔即凶水德雖平經風即險

此章言人逐物遷性

有如香臭隨時玄黃代色已所習染雖則臭若鮑魚色同染惡然而金思處劔之時水望經風之日猶足自奮

也

蓋聞豫章七年斃於豐草

子虛賦曰擬栴豫章郭璞曰豫章大木也似楸葉冬夏青

生七年乃可知也正義曰按溫舍人云豫今之枕木也章今之樟木也二木生七年枕樟乃可分別芳蘭

九畹淪於幽谷

楚辭曰余既滋蘭之九畹琴操曰孔子過谷中見蘭獨茂嘆曰蘭當為王者香

今乃獨茂與草為伍乃止車援琴而鼓之自傷不逢時托辭於幽蘭也

是以欲求其真晉

陽有自理之蒿

春秋後語曰張孟談謂趙襄子曰董安于之在晉陽公宮之垣皆荻蒿

若

賞其聲吳亭有已枯之竹

爾雅曰東南之美者有會稽之竹箭焉漢書地理志曰會

稽郡秦置高帝十二年更名吳按秦法十里一亭以會稽名吳故云吳亭此章喻已初有小善終無成功豫

章豈曰凡材芝蘭實為香草求其真實則荻蒿自理實彼虛聲則竹箭將盡

蓋聞明鏡蒸食未為得所

淮南齊俗訓曰夫明鏡便於照形其以函食不如簞

干將補履尤可傷嗟

劉向說苑曰干將鑊鄒拂鐘不錘試物不知揚刃離金斬羽弊鐵斧

此至利也然以之補履曾不如兩錢之錐楚辭曰東干將以切肉王逸曰干將利劔也利劔宜以為威誅無狀以征不服今用割肉非其宜也以言使賢者為僕隸之徒非其宜也子山自喻在魏周如明鏡所以照形今乃用以蒸食干將所以示威今乃用以補履亦失其志也是以氣足凌雲不應止為

武騎

漢書曰司馬相如事孝景帝為武騎常侍非其好也相如既奏大人之頌天子大悅飄飄有凌雲之

氣似遊天地之間意

才堪王佐不宜直放長沙

史記賈誼傳曰天子議以賈生任公

卿之位絳灌東陽侯馮敬之屬盡害之乃短賈生曰雒陽之人年少初學專欲擅權紛亂諸事於是天子疏之不用其議乃以賈生為長沙王太傅賈生既辭往行關長沙卑濕自以壽不得長又以遠去意不自得乃度湘水為賦以弔屈原此章喻已在魏周不得其所以位望雖高時有長岑之意恩禮並至猶懷汨羅之心用明鏡以蒸食取干將而補履相如作賦止為武騎之官賈誼多才不過長沙之傳而已

蓋聞勢之所歸威之所假必能繫風捕影

見莊子

暴虎馮

河

見論語

是以輕則鴻毛沈水重則磐石凌波

抱樸子曰重類宜沈

而南海有浮石之山輕物當浮而蚌蚶有沉羽之流此章喻人隨時重輕惟得勢假威故能乘空禦險或則鴻毛不勝或則負山餘力今已亦失勢之時威所不假者也

蓋聞意氣難干非資扛鼎

史記曰項羽力能扛鼎才氣過人韋昭曰扛舉也索隱曰

說文云扛橫闕對舉也音江

風神自勇無待翹闕

列子曰孔子勁能招國門之闕而不

肯以力聞淮南子曰孔子之通智過於莧弘勇過於孟賁足攝郊蒐力招城闕能亦多矣吳都賦曰翹闕扛鼎

李善注引列子

是以曹劌登壇汶陽之田遽反

左傳作劌史記

云招與翹同

作沫史記曰曹沫者魯人也以勇力事魯莊公與齊戰三敗北魯莊公懼乃獻遂邑之地以和猶復以為將齊桓公許與魯會於柯而盟桓公與莊公既盟於壇上曹沫執匕首劫齊桓公桓公左右莫敢動而問曰子將何欲曹沫曰齊強魯弱而大國侵魯亦已甚矣今魯城壞即壓齊境君其圖之桓公乃許盡歸魯之侵地既已言曹沫投其匕首下堂北面就羣臣之位顏色不變辭令如故桓公怒欲倍其約管仲曰不可夫貪小利以自快



棄信於諸侯失天下之援不如與之於是桓公乃遂割魯侵地曹沫三戰所亡地盡復予魯又按左傳公賜季友汶陽之田夾谷之會孔子曰而不反我汶陽之田杜預曰汶陽田汶水北地汶水出泰山萊蕪縣西入濟

### 相如睨柱連城之壁更還

史記曰秦王欲以十五城易趙王和氏璧藺相如奉璧見

秦王既奏相如視秦王無意償趙城乃前曰璧有瑕請指示王授璧因却立倚柱曰臣觀大王無意償趙城故臣復取璧大王必欲急臣頭與璧俱碎於柱矣因持璧睨柱秦王恐破璧乃謝相如璧歸於趙此章喻已使魏之後不能奮積辱之志也梁元帝有返齊侵地之心已觸魏怒庾子山無擎璧睨柱之勇早辱秦庭既意氣之可干傷風神之遂屈以致一忘楚操漸食周薇曹柯之盟豈可庶幾相如奉璧不如復反矣

### 蓋聞卷施不死誰必有心

爾雅曰卷施草拔其心不死江淮間謂之宿莽 甘蕉

自長故知無節

南方草木狀曰甘蕉望之如樹珠大者一圓葉長一丈或七八尺廣尺餘二尺

許花大如酒杯形如芙蓉根如芋魁大者如車轂每華一闔各有六子先後相次子不俱生花不俱落一名芭

蕉或曰芭蕉有類羊角名羊角蕉有類牛乳名牛乳蕉又有蕉葛可紡績為絺綌交廣有之三輔黃圖曰武帝

元鼎六年破南越建扶荔宮以植所得奇草異木有甘蕉二本是以螺蚌得路恐異驪

淵莊子曰河上有家貧恃緯蕭而食者其子沒於淵得千金之珠其父謂其子曰夫千金之珠必在九重之

淵而驪龍頷下子能得珠必遭其睡也崔鼠同歸應非丹穴禹貢道渭自

安國曰鳥鼠共為雌雄同穴處此山遂名曰鳥鼠渭水出焉郭璞山海經注曰今在隴西首陽縣西南山有鳥

鼠同穴鳥名鵪鼠名鼯如人家鼠而短尾鵪似鵪而小黃黑色穴入地三四尺鼠在內鳥在外山海經曰丹穴

之山丹水出焉有鳥狀如雞五采而文名曰鳳皇首文曰德翼文曰義背文曰禮膺文曰仁腹文曰信是鳥也飲食自然自歌自舞見則天下安寧此章喻已在魏周如宿莽之傷心比巴苴之無節珠在蚌中即異驪龍之頷穴雖巢雀終非鳳皇所居也

蓋聞北邙之高魏君不能削

郭緣生述征記曰北邙東則乾晡山山西南晉文帝

崇陽陵陵西武帝浚陽陵邙之東北宣帝高厚陵景帝峻平陵邙之南則惠帝陵也是北邙為晉陵言魏衰晉

盛魏君不能削北邙穀洛之鬪周王不能改周語曰穀洛關將毀

王宮王欲壅之及景王多寵人亂於是乎是以愚公何

德遂荷鍤而移山

列子曰太行王屋二山方七百里高萬仞北山愚公年且九十面山而居

懋山北之塞出入之迂也乃率子孫叩石精衛何禽欲

壑壤運於渤海之尾河曲智叟笑而止之

述異記曰炎帝之女溺死東海化為精衛其名自呼每銜西山木石填東海一名鳥

銜石而塞海市一名冤禽此章喻陳盛梁衰霸先方起似晉帝北

邲之高梁室將亡擬周王殺洛之闕方之愚叟豈可移

山如彼冤禽焉能塞海也蓋聞君子無其道則不能有其財忘其貧則不能恥其

食是以顏回瓢飲賢慶封之玉杯

論語曰賢哉回也一簞食一瓢飲左傳曰

崔氏滅慶封當國慶封好田而嗜酒與慶舍政棄高陳鮑之徒殺慶舍慶封來奔齊人來讓奔吳子之朱方聚其族焉而居之富於其舊昭四年為楚靈王所殺玉杯言富而嗜酒也子思銀佩美虞公

之垂棘

桓寬鹽鐵論貧富篇子思之銀佩美於虞公之垂棘左傳僖二年云晉荀息請以屈產之乘與

垂棘之璧假道於虞以伐虢虞公許之宮之奇諫不聽遂起師伐虢滅下陽僖五年云晉滅虢師還館于虞遂

襲虞滅之

此章喻不義而富不如樂道而貧慶封因富嗜酒遂爾亡家虞公以賄先書因之失國今已自入

魏以來祿位雖高恥辱彌甚願為貧賤而不可得也

蓋聞水之激也實濁其源木之蠹也將拔其根是以延

年之家預論掃墓

漢書曰嚴延年字次卿東海下邳人也為河南太守母從東海來欲從延

年臘到雒陽遙見報因母大驚便止都亭不肯入府延年出至都亭謁母母閉閤不見延年免冠頓首閤下良久母乃見之因數責延年幸得備郡守專治千里不聞仁愛教化有以全安愚民顧乘刑罰多刑殺人欲以立

咸豈為民父母意哉延年服罪重頓首謝因自為母御  
歸府舍母畢正職謂延年天道神明人不可獨殺我不  
意當老見壯子被刑戮也行矣去女東歸婦除墓地耳  
遂去歸郡見昆弟宗人復為言之後歲餘果敗東海莫  
不賢知其母延年兄弟五人皆有吏材至羊舌之族先  
大官東海號曰萬石嚴嫗亦見續列女傳

知滅門

春秋時晉公族有羊舌氏左傳閔二年云晉伐  
臯落氏羊舌大夫為尉正義曰羊舌氏也爵為

大夫此人生職職生銅鞮伯華叔向叔魚叔虎為羊舌  
四族或曰羊舌氏姓李名果有人盜羊而遺其頭不敢  
不受受而埋之後盜羊事發辭連李氏李氏掘羊頭而  
示之以明已不食惟識其舌古存得免號曰羊舌氏此  
羊舌之族所自始也事見春秋正義云先知滅門者按  
左傳序叔虎之敗云初叔向之母妬叔虎之母美而不  
使其子皆諫其母母曰深山大澤實生龍蛇彼美余懼  
其生龍蛇以禍汝汝敵族也國多大寵不仁人間之不

亦難乎余何愛焉使往視寢生叔虎美而有勇力藥懷  
子嬖之故羊舌氏之族及於難及伯石之敗傳又云初  
叔向欲娶申公巫臣氏其母欲娶其黨叔向曰吾母多  
而庶鮮吾懲舅氏矣其母曰子靈之妻殺三夫一君一  
子而忘一國兩卿矣可無懲乎吾聞之甚美必有甚惡  
是鄭穆少妃姚子之子子貉之妹也子貉早死無後而  
天鍾美於是將必以是有大敗也昔有仍氏黜黑名曰  
玄妻樂正后夔取之生伯封實有豕心貪惏無餼愆顛  
無期謂之封豕有窮后羿滅之夔是以不祀且三代之  
亡共子之廢皆是物也女何以爲哉夫有尤物足以移  
人苟非德義則必有禍叔向懼不敢取平公強使取之  
生伯石伯石始生子容之母走謁諸姑曰長叔姒生男  
姑視之及堂聞其聲而還曰豺狼之聲也狼子野心非  
是莫喪羊舌氏矣遂弗視又叔魚之敗晉語云叔魚生  
其母視之曰是虎目而豕喙鵠肩而牛腹豁顴可盈是  
不可厭也必以賄死遂弗視羊舌之母蓋嘗三言而三

欽定四庫全書

卷九

當焉列女傳稱羊叔子之妻叔向叔魚之母為羊叔姬盜羊之事藉叔姬之言埋而不食為防害遠疑矣滕王序云自攜老入闕蒸蒸色養及丁母憂杖而後起是子山有母嚴姬叔姬自喻其母之賢明也此章喻庾氏世德及已而衰如水因流激而源濁木為枝敗而根傷嚴家五子萬石未取其歡羊舌四宗三言盡識其敗污吾世矣負阿母矣見子山蒸蒸色養之義焉

蓋聞磨礪脣吻脂膏齒牙

漢書東方朔對曰臣觀其齒齒牙吐脣吻左傳子革曰摩

厲以須說文曰戴角者脂無角者膏膏肥也

臨風扇毒

後漢書西域傳曰身熱頭痛風災鬼難之

域釋法顯遊天竺記云西度流沙屢有熱風惡鬼過之必死蔥嶺冬夏有雪有毒龍若犯之則風雨晦冥飛砂揚礫遇此難無一全也

向影吹沙

千寶搜神記曰有物處於江水其名曰蜮一曰短狐能含沙射



人所中者頭痛發熱劇者至死今俗謂之溪毒先儒以  
男女同川而浴淫女為主亂氣所生也洪範五行傳曰  
蛾射人生於南越謂之短狐抱樸子曰有短狐一名蛾  
一名射工一名射影其實水蟲也狀如鳴蜩狀似三合  
蓋有翼能飛無目而利口中橫物角弩如聞人聲緣  
口中角弩以氣為矢因水射人中者即發瘡中影者亦  
病不治然人又沙虱與射工相似皆然人以火炙燎遍  
身則此蟲墮也毛詩義疏曰短狐一名射影如鼃三足  
今俗謂之水弩也鮑照苦熱行含沙射流影是也博物  
志曰江南山谿中水射工蟲甲類也長一二寸口中有  
弩形氣射人影隨所著處發瘡不治則是以敬而遠之  
殺人今鸚鵡蟲溺人影亦隨所處生瘡  
**豺有五子**  
論語子曰敬鬼神而遠之爾雅  
**吁可畏也鬼**  
曰豺狗足郭璞云脚似狗也  
**有一車**  
周易曰載鬼一車此章喻入魏之後歷經險阻見宇文楊氏諸君易姓而興晉復膝迫之屬

爭權相殺扇風射影如鬼如斜子山  
雖蒙歎至然羈旅之臣皆可不與也

蓋聞虛舟不忤令德無虞忠信為琴瑟仁義為庖廚是

以從莊生則萬物自

細史記曰莊子者蒙人也名周莊子齊物論曰天下莫大於秋毫

之末而泰山為小莫壽於殤子而彭祖  
為天地與我並生而萬物與我為一

歸老氏則衆有

皆無

史記曰老子者楚苦縣厲鄉曲仁里人也姓李氏名耳字伯陽謚曰聃周守藏之史也老子修道德

其學以自隱無名為務太史公曰老子所貴虛無因應變化於無為老子曰常無欲以觀其妙常有欲以觀其  
竅玄之又玄衆妙之門又曰有之以為利無心以為用  
又曰天下萬物生於有有生於無此章言世事任虛  
船吾心求令德思江海之士細萬物  
而獨往讀道德之經貴虛無而自得

蓋聞三關頓足長城垂翅既羈既旅非才非智

言已羈旅長安

也後漢書光武贊曰四關重攬翰曰四關謂長安也此云三關亦謂長安按西魏都關中漢書項籍傳曰三分關中立章邯為雍王司馬欣為塞王董翳為翟王以關中之地曾為三秦故云三關理物論曰秦築長城楚辭

曰羈旅而無友生王逸曰遠客寄旅孤單特也

是以烏江艤檝知無路可歸

史記

曰項王欲東渡烏江烏江亭長檝船待謂項王曰江東雖小地方千里眾數十萬人亦足王也願大王急渡今獨臣有船漢軍至無以渡項羽笑曰天之亡我我何渡為徐廣曰檝音儀一音我駟案應劭曰檝正也孟康曰檝附也附船著岸也如淳曰南方人謂白雁抱書定無整船向岸曰檝索隱曰鄒誕本作樣船

家可寄

漢書蘇武傳曰昭帝即位數年匈奴與漢和親漢求武等匈奴詭言武死後漢使復至匈奴常

憲請其守者與俱得夜見漢使具自陳道教使者謂單  
于言天子射上林中得雁足有繫帛書言武等在某澤  
中使者大喜如憲語以讓單于單于視左右而驚謝漢  
使曰武等實在武以始元六年春至京師此章喻已  
思歸雖切而故國都非梁元帝楚國已亡江陵絕無歸  
路陳武帝有媯既有建業豈復為家岳陽固有深灘空  
存檣石頭無非墓迹安用寄書所以周陳通好流寓  
各歸庾信王褒雖惜而不遣乎然終甘於漢之陵律也

庾子山集卷九

欽定四庫全書

庾子山集卷十

周 庾信 撰

錢唐倪璠纂註

讚

黃帝見廣成子讚

莊子曰黃帝聞廣成子在崆峒之上故往見之  
廣成子南首而卧黃帝順下風膝行而進再拜  
稽首而問曰治身奈何而可以長久廣成子  
語以至道黃帝拜稽首曰廣成子之謂天矣

治身紫府問政青丘

抱樸子曰黃帝東到青丘見紫府  
先生受三皇內文以勅召萬神又

曰項曼都言到天上先過紫府金林玉几晁晁東  
方朔十洲記曰長洲一名青丘在南海辰巳之地一洲  
之上專是林木故名青丘司馬相如烏有賦曰秋田乎  
青丘服虔曰青丘國在東海東三百里郭璞云青丘山  
名有田亦有國出  
龍湖鼎沒丹竈珠流史記曰黃帝採首山銅以鑄鼎

九尾狐在海外

鼎成有龍下迎地仙去小臣攀龍髯而上者七十二人  
魏地土記曰弘農湖縣有軒轅黃帝登仙處郊祀志曰  
少君言上祀竈皆可致物致物而丹砂可化為黃金黃  
金成以為飲食罷則益壽益壽而海中蓬萊仙者迺可  
見之以封禪則不  
死者黃帝是也

疎雲即雨落木先秋

莊子廣成子曰自而治天下雲

氣不待族而雨草  
木不待黃而落

至道須極長生可求

即莊子云黃帝問治身奈何而

可以長久廣成子  
語以至道是也

# 堯登壇受圖讚

尚書中候曰帝堯即政七十載修壇河洛仲月  
辛日禮備至於日稷榮光出河休氣四塞龍馬  
銜甲赤文綠色登壇吐甲圖宋均曰稷側也論  
語考比讖仲尼曰吾聞帝堯率舜等升首山觀  
河渚見五老入於河一老曰河圖將來告帝期  
又一老曰山川魚鼈荷聖恩又一老曰河圖推  
龍銜玉繩歌訖五  
老飛於天入於昴

登壇洛汭沈玉河湄

許慎曰水涯曰汭釋名曰湄眉也  
臨水如眉臨目也尚書中候曰堯

沈璧於河白雲起迴風搖落言帝  
堯築壇洛水之涯臨河沈玉也

丹圖馭馬綠甲乘龜

鄭康成以為河圖洛書龜龍銜負而出如中候所說龍  
馬銜甲赤文綠色甲似龜背袞廣九尺上有列宿斗正

之度帝王錄紀興亡之數是也  
孔安國以為河圖即八卦是也  
榮光上幕休氣連帷尚書

中候曰帝堯文明榮光出河休氣四塞  
鄭康成曰休美也四塞炫耀四方也  
雖存克讓於見

文思堯典曰欽明文思安安

### 舜舞干戚讚

尚書禹拜昌言曰兪班師振旅乃誕敷文德舜干羽於兩階七旬有苗格

平風變律擊石來儀杜預曰歌者吹律以詠八風周禮凡樂有一變至九變虞書曰於予

擊石搏石百獸率舞又  
先齊七政更服三危虞書曰璿璣玉衡以

齊七政孔安國曰七政日月五星各異政也書又曰窳三苗於三危孔安國曰三危西裔括地志云三危山有



峰故曰三危俗亦名卑羽山  
在沙州岷煌縣東南三十里  
朱干獨舞玉戚空麾

尚書正義

曰釋言云干扞也孫炎曰干櫓自蔽扞也以櫓為人扞  
通以干為櫓名故干為櫓郭璞曰舞持以自蔽翳故明  
堂位云朱干玉戚以舞大武  
戚斧也是武舞執斧執櫓也  
南風一曲恭已無為

禮記曰昔

者舜作五絃之琴以歌  
南風恭已無為見論語

## 禹渡江讚

呂氏春秋曰禹南省方濟於江黃龍負舟舟中  
之人五色無主禹仰視天而嘆曰吾受命於天  
竭力以養人生性也死命也奈何憂於龍焉龍  
俛首低尾而逝則禹達乎死生之命利害之經  
也

三江初鑿九谷新成

禹貢曰三江初入史記索隱注韋昭云謂吳松江錢塘江陽江地理

志有南江中江北江是為三江其南江從會稽吳縣南東入海中江從丹陽蕪湖東北至會稽陽羨縣東入海北江從會稽毘陵縣北東入海故下文東為中江又東為北江孔安國曰有北有東南可知也吳地記云松江東北行七十里得三江口東北入海為婁江東南入海為東江并松江為三江史記曰唯禹之功為大披九山按山之深處為谷故詩云高岸為谷是九山得稱九谷矣風飛鷁涌水起龍驚漢書音義曰鷁水鳥也畫其象於船首淮南子曰龍舟鷁首天子之乘也樂天知命無待憂生周易繫辭曰樂天知命故不憂即禹所謂受命於天生性死命之說也危舟遂靜亂機還平漢書師古曰機所以刺船也

# 湯解祝網讚

呂氏春秋曰湯見祝網者置四面其祝曰從天  
墜者從地出者從四方來者皆離吾網湯曰嘻  
盡之矣非桀孰為此者湯收其三面置其一面  
更教祝者曰昔蛛蝥作網罟今之人學紆欲左  
者左欲右者右欲高者高欲下者下吾取其犯  
命者漢南之國聞之曰湯之德及禽獸矣四十  
國歸之人置四面未必得鳥湯去其三面  
置其一面以網其國四十非徒網鳥也

連珠兩起合玉雙沉穀為祥樹桑成樂林

史記殷本紀云太戊立亳

有祥桑穀生於朝一暮大拱太戊懼問伊陟伊陟曰帝  
之政其有關與帝脩其德太戊從之而祥桑穀枯死殷  
復興諸侯歸之故稱中宗尚書孔安國傳曰祥妖怪也  
二木合生不恭之罰左氏傳曰宋公享晉侯於楚丘請

以桑林杜預曰桑林天子之樂名皇甫謐  
云殷樂一名桑林以桑林為大獲別名也  
三方落網一

面驅禽德矣聖政仁乎用心

文王見呂尚讚

史記曰呂尚以漁釣干周西伯西伯將出獵卜  
之曰所獲非龍非彫非虎非羆所獲霸王之輔  
於是周西伯獵果遇太公於渭之陽與語大悅  
曰自吾先君太公曰當有聖人適周周以興子  
真是耶吾太公望子久矣故號  
之曰太公望載與俱歸立為師

言歸養老

語出孟子

垂釣西川

西川渭濱也

岸止磻石溪惟小船

鄒元水經注曰磻溪中有泉謂之茲泉積水為陣即太  
公釣處今謂之凡谷有石壁深高幽邃人跡罕及東南

隅有石室蓋太公所居水次盤石釣處即太公垂釣之所其投竿跪餌兩膝遺跡猶存是磻溪之稱也其水清冷神異北流十里注於渭風雲未感意氣怡然易曰雲從龍風從虎言未遇文王之時釣此磻溪其意氣怡然樂也有此相望於茲幾年望謂太公望也

### 武丁迎傳說讚

史記曰帝武丁即位思復殷而未得其佐三年不言政事決定於冢宰以觀國風武丁夜夢得聖人名曰說以夢所見視羣臣百吏皆非也於是乃使百工營求之野得傳說於傅險中是時說為胥靡築於傅險見於武丁武丁曰是也得而與之語果聖人舉以為相殷國大治故遂以傳說險姓之號曰傳說

虞田路斷辭澗泉飛躬勞版築有弊韋衣賢臣入夢天

賜無違千巖之下遂得同歸

皇甫謐曰高宗夢天賜賢人胥靡之衣裳之而來曰

我徒也姓傅名說天下得我者宜徒也哉武丁悟而推之曰傅者相也說者懽悅也天下當有傅我而悅民者哉明以夢視百官百官皆非也乃使百工圖寫其形象求諸天下果見築者胥靡衣褐帶索執役於虞號之間傅巖之野名說以其得說傅巖謂之傅說尸子云傅巖在北海之洲孔傳言虞號之界也

### 成王刻桐葉封虞讚

呂氏春秋曰成王與唐叔虞燕居援梧葉以爲珪而投唐叔曰余以此封汝虞喜以告周公周公以請曰天子其封虞耶成王曰余一人與虞戲也周公對曰臣聞之天子無戲言天子言則

史書之工誦之士稱之  
於是遂封叔虞於晉

虞叔百里居河之汾帝刻桐葉天書掌文

左傳昭元年子產曰唐叔

虞當武王邑姜方震大叔夢帝謂已余命而子曰虞將與之唐屬諸參而蕃育其子孫及生而有文在其手曰虞遂以命之及成王滅唐而封大叔焉故參為晉星由是觀之則實沈參神也昔金天氏有裔子曰昧為玄冥師生臺駘能業其官宣汾洺障大澤以處太原帝用嘉之封諸汾川沈姒蓀黃實守其祀今晉主汾而滅之矣由是觀之則臺駘汾神也是晉之建國禮以成德樂以居河之汾也天書掌文謂參為晉星也

歌薰天子無戲唐其有君

漢高祖置酒沛宮讚

漢書曰高祖姓劉氏諱邦字季沛豐邑中陽里人也項羽封為漢王後平羽立為天子高祖還過沛留置沛宮召故人父老子弟佐酒發沛中兒得百二十人教之歌酒酣上擊筑自歌大風起兮雲飛揚威加海內兮歸故鄉安得猛士兮守四方

遊子思舊來歸沛宮還迎故老更召歌童雖欣入沛方

念移豐

漢書地理志云京兆新豐高祖七年置應劭曰太上皇思東歸於是高祖改築城市街里以象

豐徙豐民以實之故號新豐

酒酣自舞先歌大風

漢武帝聚書讚

後漢書程璜上言曰武帝大合天下之書注云武帝詔曰其令禮官勸學舉遺興禮舉遺謂搜



求遺逸是合天下之書  
也此讚聚書當謂是矣

獻書路廣藏書柱開

劉歆七畧曰漢武帝開獻書之路  
一年之間書積如丘山史記曰老

子周守藏室之史也索隱曰藏室史乃周藏書室之史  
也又曰張蒼為御史主柱下方書索隱曰周秦皆有柱

下史所掌及侍立恒在殿  
柱之下故老聃為柱下史

秦儒出谷漢簡吹灰

衛宏詔  
定古文

官書序曰秦始皇改古文為籀隸國人多謗乃召諸生  
至者皆拜為郎凡七百人密令冬月種瓜於驪山剛谷  
中溫處瓜實使往視之先為伏機諸生方相論辨發機  
填之以土皆終命顏師古漢書注曰今新豐溫湯之處  
號愍儒鄉溫湯西南三里有馬谷谷之西岸有阮古老  
相傳以為秦阮儒處也漢簡吹灰者謂求之於秦人灰  
爐之餘也芝泥印上玉匣封來  
言漢時得書皆  
金繩玉檢也  
坐觀風俗不

出蘭臺

續漢書曰蘭臺令史六人秩六百石掌書勅奏及印主文書

袁盎諫文帝讚

史記曰孝文帝出趙同驂乘袁盎伏車前曰臣聞天子所與共六尺輿者皆天下豪英今漢雖乏人陛下獨奈何與刀鋸餘人載於是大笑下趙同趙同泣下車文帝從霸陵上欲西馳下峻阪袁盎騎並車擎轡上曰將軍怯耶盎曰臣聞千金之子坐不垂堂百金之子不騎衡聖主不乘危而徼幸今陛下騑馳下峻山如有馬驚車敗陛下縱自輕奈高廟太后何上乃止袁字或作爰

千乘峻轍六轡危行

東都賦曰千乘雷起萬騎紛紜濟曰千乘萬騎天子法駕也詩曰六

轡在手峻轍危跡迴松坂山叙疑作柳城松坂峻坂也

行謂下峻阪也

斜

柳城

水經注曰霸

水西巡繞關

龍淵地狹華蓋風驚

龍淵劍名吳越春秋曰楚王召風胡子而

告之曰寡人聞吳有干將越有歐冶寡人欲因子請此  
二人作劍可乎曰可乃往見二人作劍一曰龍淵又三  
輔黃圖有龍淵廟在茂陵東華蓋天子之蓋也崔豹古  
今注云黃帝所作又西京雜記曰終南山有樹直上百  
丈無枝上結紫條如車蓋葉一青一赤望之  
斑駁如錦繡長安謂之丹青樹亦云華蓋樹賢臣攬轡  
可謂忠貞賢臣謂  
袁盎也

## 朱雲折檻讚

漢書曰朱雲字游魯人也成帝時丞相故安昌侯張禹以帝師位特晉甚尊重雲上書求見公

卿在前雲曰今朝廷大臣上不能匡君下亡以益民皆尸位素餐孔子所謂鄙夫不可與事君苟患失之無所不至也臣願賜尚方斬馬劍斬佞臣頭一人以厲其餘上問誰也對曰安昌侯張禹上大怒曰小臣居下訕上廷辱師傅罪死不赦御史將雲下雲攀檻折雲呼曰臣得下從龍達比干遊於地下足矣未知聖朝何如耳於是左將軍辛慶忌免冠解印綬叩頭殿下曰此臣素著狂直於世使其言是不可誅其言非固當容之臣敢以死爭慶忌叩頭流血上意解然復得已及後當治檻上曰勿易因而輯之以旌直臣

上書直諫有忤明君先求斬馬遂請魚文身摧欄檻義

烈風雲應從御史翻賴將軍

應從御史者謂上怒御史將雲下也翻賴將軍者謂

左將軍辛慶忌以  
死爭乃得免也

### 周公戒伯禽讚

尚書大傳曰伯禽與康叔朝於成王見周公三  
見而三笞之康叔有駭色乃與伯禽問於商子  
商子曰南山之陽有木名橋北山之陰有木名  
梓二子盍往觀焉二子往觀之見橋木高而仰  
見梓木實而俯反以告商子商子曰橋者父道  
也梓者子道也二子明日復見入門而趨登堂  
而跪周公迎拂其首而勞之曰汝安  
見君子乎二子以實對公曰君子哉

伯禽居魯鳴玉來朝周公政治為國風謠北山有梓南  
山有橋禮容雖備俯仰無驕

# 五月披裘負薪讚

皇甫謐高士傳曰披裘公者吳人也延陵季子出遊見道中有遺金顧披裘公曰取彼金投鏹公瞋目拂手而言曰何子處之高而視人之卑五月披裘而負薪宜取金者哉季子大驚既謝而問姓名公曰吾子皮相之士何足語姓名也

披裘當夏俗外為心雖逢季子不拾遺金禽巢欲遠魚沈惟深清聲滅跡何必山林

# 王祥扣冰魚躍讚

晉書曰王祥字休徵瑯邪臨沂人性至孝後母朱氏常欲生魚時天寒冰凍祥解衣將剖冰求

之冰忽自解雙魚躍出持之而歸

王祥之母鮮鱗是求冰連釣浦凍塞寒流精誠有感無假沉鉤二老同膳雙魚共浮

### 孫叔敖逢蛇讚

賈誼新書曰孫叔敖為兒時出道上見兩頭蛇殺而埋之歸見其母泣問其故對曰夫見兩頭蛇者必死今出見之故爾母曰蛇今安在對曰恐後人見殺而埋之矣母曰夫有陰德必有陽報爾無憂也後遂興於楚朝及長為楚令尹

叔敖朝出容悴歸家母氏顧訪知埋怪蛇爾有陰德陽

報將加終為楚相卒享榮華

高鳳好書不知流麥讚

後漢書曰高鳳字文通南陽葉人也少為書生  
家以農畝為業而專精誦讀晝夜不息妻嘗之  
田曝麥於庭令鳳護雞時天暴雨而鳳持竿誦  
經不覺潦水流麥妻還怪問鳳方悟之其後遂  
為名儒乃教授  
葉於西唐山中

高鳳好學專心不迴流連經笥對翫書臺石門雲渡銅  
梁雨來麥流雖遠書卷猶開

張良遇黃石公讚



史記曰留侯張良者其先韓人也韓破悉以家財求客刺秦王為韓報讐以大父父五世相韓故秦皇帝東遊良與客祖擊秦皇於博浪沙中誤中副車秦求賊甚急乃更名姓亡匿下邳嘗間從容步遊下邳圯上有一老父衣褐至良所直墮其履圯下顧謂良曰孺子下取履良愕然欲毆之為其老強忍下取履父曰履我良業為取履因長跪履之父曰孺子可教矣後五日明與我會此良因怪之跪曰諾五日平明良往父已先在怒曰與老人期後何也去曰後五日早會五日雞鳴良往父又先在怒曰後何也去曰後五日復早來五日良夜半往有頃父亦來喜曰當如是出一編書曰讀此則為王者師矣後十年興十三年孺子見我濟北穀城山下黃石即我矣遂去無他言不復見旦日視之書乃太公兵法也

張良取履跪受無辭兵書一卷長者三期昔稱韓相今

為漢師穀城餘石還歸舊祠

史記曰留侯欲從赤松子遊乃學辟穀道引輕身始

所見下邳圯上老父與太公兵書者後十三年從高帝過濟北果見穀城下黃石取而葆祠之留侯死並葬黃

石冢每上冢伏

臘祠黃石留侯

### 師尚父授丹書讚

竹書紀年曰紂四十二年周武王元年西伯發  
受丹書於呂尚又曰季秋之甲子赤爵銜書及  
豐置於昌戶昌拜稽首受其文要曰姬昌蒼帝  
子亡殷者紂王將畋史編卜之曰將大獲非熊  
非羆天遣太師以佐昌臣太祖史疇為禹卜得  
臯陶其兆類此至於磻溪之水呂尚釣於涯王

下趨拜曰望公七年乃見光景於斯尚立變名  
答曰望鈞得玉璜其文要曰姬受命昌來提撰  
爾洛鈴報在齊尚出遊見赤人自授尚書命曰  
名佐昌者子文王夢月著其身又驚驚鳴於岐  
山孟春六旬五緯聚房後鳳凰銜書遊文王之  
都書又曰殷帝無道虐亂天下星命不移不得  
復久靈祇遠離百神吹去五星聚房昭  
理四海文王既沒太子發立是為武王

尚父一遇周王是親赤雀既下丹書已陳自論秉鉞長  
別垂綸獨有磻石留名渭濱

### 榮啓期三樂讚

列子曰孔子遊於泰山見榮啓期行乎邱之野  
鹿裘帶索鼓琴而歌孔子問曰先生所以樂何

也對曰吾樂甚多天生萬物惟人為貴而吾得為人是一樂也男女之別男尊女卑故以男為貴吾得為男矣是二樂也人生有不見日月不免襁褓者吾既行年九十矣是三樂也貧者士之常也死者人之終也處常得終當何憂哉孔子曰善乎能自寬者也

榮期三樂惟人與年夫子相遇即以為賢性靈造化風雲自然雅琴雖古獨有鳴絃

夫子見程生讚

子華子孔子贈篇曰子華子反自邾遭孔子於途傾蓋而顧相語終日甚相親也孔子命子路曰取束帛以贈先生子路肩然而對曰由聞之士不中聞見女嫁無媒君子不以交禮也有間

又顧謂子路子路又對如初孔子曰固哉由也詩不云乎有美一人清揚婉兮邂逅相遇遠我願兮今程子天下之賢士也於斯不贈則終身弗能見也小子行之亦見韓詩外傳

程生夫子一遇相知薄言傾蓋桑陰遂移清揚共美賢  
聖同羈陳詩難別贈絹傷離

### 鉏麇見趙盾讚

左氏傳曰晉靈公不君宣子驟諫公患之使鉏麇賊之晨往寢門聞矣盛服將朝尚早坐而假寐麇退嘆而言曰不忘恭敬民之主也賊民之主不忠棄君之命不信有一於此不如死也觸槐而死

趙盾將朝端衣整笏

禮曰笏天子以球玉諸侯以象大夫以魚須文竹士竹又曰將遠公

所以書思對命

鉏麇受命衝冠怒髮惆悵賢臣顧瞻城關利劒

不抽青槐先絕

### 蔡澤就唐生相讚

史記曰蔡澤者燕人也遊學于諸侯小大甚衆不遇而從唐舉相曰吾聞先生相李兌曰百日之內持國秉政有之乎曰有之曰若臣者何如唐舉執視而笑曰先生曷鼻巨肩鰐鰕膝掌吾聞聖人不相殆先生乎蔡澤知唐舉戲之乃曰富貴吾所自有吾所不知者壽也願聞之唐舉曰先生之壽從今以往者四十三歲蔡澤笑謝而去謂其御者曰吾持梁刺齒肥躍馬疾

驅懷黃金之印結紫綬於腰揖讓人主之前食  
肉富貴足矣後西入秦說應侯秦昭王召見與  
語大悅拜  
為客卿

蔡澤羈旅唐生決疑無勞神策不問靈龜富貴自取年  
壽須期雖云異相會待逢時

### 李陵蘇武別讚

漢書曰李陵字少卿天漢二年陵率步卒五千  
人出塞與匈奴戰力屈乃降匈奴中蘇武字子  
卿使匈奴二十年不降昭帝即位匈奴與漢和  
親漢求武等於是李陵置酒賀武曰今足下還  
歸揚名於匈奴功顯於漢室雖古竹帛所載丹  
青所畫何以過子卿陵雖驚怯令漢且貴陵罪

全其老母使得奮大辱之積志庶幾乎曹柯之盟此陵宿昔不忘之志也收族陵家為世大戮陵尚復何顧乎已矣令子卿知吾心耳異域之人一別長絕陵起舞歌曰徑萬里兮度沙漠為君將兮奮匈奴路窮絕兮矢刃摧士衆滅兮名已隕老母已死雖欲報恩將安歸陵泣下數行因與武決

李陵北去蘇武南旋歸驂欲動別馬將前河橋兩岨臨路悽然故人此別知應幾年

樊噲見項王讚

漢書鴻門之會樊噲聞事急乃持楯撞入項羽目之問之為誰張良曰沛公驂乘樊噲項羽曰



壯士賜之卮酒，昆肩噲飲，酒拔劒，切肉食之。項羽曰：「復能飲乎？」曰：「臣死且不避，豈特卮酒乎？」且沛公先入定咸陽，暴師霸上以待大王。大王今日至，聽小人之言，與沛公有隙，臣恐天下解心疑大王也。項羽默然。沛公如廁，度噲去，既出，沛公留車騎，獨騎馬噲等四人步從從山下走歸霸上。軍而使張良謝項羽，羽亦因遂已，無誅沛公之心。是日微樊噲奔入營，譙讓項羽。沛公幾殆。後數日，項羽屠咸陽，立沛公為漢王。漢王賜樊噲為臨武侯。

樊噲將軍漢王車右不憚鋒刃何辭卮酒霸上屯軍鴻

門固守

應劭曰：霸上地名，在長安東三十里。古曰：滋水秦穆公更名霸上。師古曰：霸水上也。即今所謂

霸頭。孟康曰：鴻門在新豐東十七里舊大道北下阪口名。

持謝范增惟留玉斗

漢書高帝

紀云使張良獻璧項羽受之又獻玉斗范增范增怒撞其斗起曰吾屬今為沛公虜矣

秦穆公飲盜駿馬讚

呂氏春秋曰昔者秦穆公乘馬右服失之野人取之穆公自往求之見野人方將食之於岐山之陽穆公笑曰食駿馬之肉不飲酒余恐傷汝也徧飲而去韓原之戰晉人已環穆公之車矣晉梁荝已扣公左驂矣野人嘗食馬於岐山之陽者三百有餘人畢力為穆公疾鬪於車下遂大剋晉乃獲意公以歸

駿馬遇盜秦王不嗔先傾美酒翻畏傷人鄰兵向國窮寇侵秦於時大盜還作功臣

延陵季子遇徐君譚

新序曰延陵季子將西聘晉帶寶劍以過徐君  
徐君不言而色欲之季子為有上國之事未獻  
也然心許之矣使於晉顧反則徐君  
死矣於是劍掛徐君墓樹而去

徐君有禮季子惟賢經過一遇如舊依然人非別後心  
許生前長松雖合寶劍猶懸

鶴讚

并序

武成二年春三月雙白鶴飛集上林園大將鄭偉

鄭偉字子

直榮陽開封人也周  
書有傳注見墓誌銘

布弋設置並皆禽獲六翮已摧雙

心俱怨相顧哀鳴孤雄先絕孀妻向影天子慙焉信奏

事階墀立使為讚

天子周明帝也時子山為司憲中大夫

九臯遙集三山迴歸

毛詩曰鶴鳴於九臯聲聞于天漢書郊祀志曰蓬萊方丈瀛洲此三

神山在渤海中

華亭別淚洛浦仙飛

語林曰陸機為河北都督聞警角之聲謂孫丞曰聞

此不如華亭鶴唳故臨刑而有此嘆見世說注列仙傳

曰周靈王太子晉好吹笙作鳳鳴遊伊洛間道士浮丘

公接上嵩山二十餘年後來山上告桓良曰告我家七

月七日待我候氏山頭果乘白鶴駐山巔望之不得舉

手謝時人而去

不妨離繳先遭見羈

離平聲說文曰繳生絲縷也

籠摧月羽

弋碎霜衣

月羽霜衣言鶴之白也

塞傳餘號關承舊名

幽明錄曰陶公在尋

陽西南一塞取魚自謂其池曰鶴門梁元帝表南遊湘  
臣自擁旄鶴塞昭明答湘東書掩鶴關而高卧

水東入遼城

神仙傳曰蘇仙公者桂陽人也乘白鶴飛去自後有白鶴來止郡城東北樓上人或

挾彈彈之鶴以爪攫樓板似漆書云城廓是人民非三  
百甲子一來歸吾是蘇公彈何為至今修道之人每至

甲子日焚香禮於仙公之故第也搜神後記曰丁令威  
本遼東人學道於靈虛山後化鶴歸遼集城門華表柱

歌曰有鳥有鳥丁令威去家千年今始歸遼郭如故人民非何不學仙  
冢累累雲飛欲舞露落

先鳴六翮摧折九門嚴閉

戰國策莊辛曰奮其六翮而凌清風楚辭曰虎豹九闕言

天有九門無可訴冤也

相顧哀鳴肝心斷絕松上長悲琴中永別

王韶之神境記曰滎陽郡有孤松千丈常有雙鶴晨必  
接翻夕輒偶影蔡邕琴操曰商陵牧子娶妻五年無子

父兄欲為改娶收子援琴鼓之歌  
別鶴以舒其憤懣故曰別鶴操

別鶴操

庾子山集卷十

欽定四庫全書

集部  
庚子山集卷十二

詳校官左都御史<sub>臣</sub>李紱

檢討<sub>臣</sub>何思鈞覆勘

總校官進士<sub>臣</sub>朱鈐

校對官助教<sub>臣</sub>卜維吉

謄錄監生<sub>臣</sub>張昂

欽定四庫全書

庾子山集卷十一

周庾信撰

錢唐倪璠纂註

教文序傳

答移市教

昔張楷碩儒尚移弘農之市

後漢書曰張楷字公超除長陵令不至官隱居弘農

山中學者隨之所居成市後華陰山南遂有公超市

宜官妙篆猶致酒壚之客

恒

四體書序曰山谷王次仲善隸書始為楷法至靈帝好書世多能者而師宜官為最甚矜其能每書輒削焚其



札梁鵠乃益為版而飲之酒候其醉而竊其札鵠卒以工書至選部尚書宜官後為索術將今鉅鹿宋子有厭球碑是術所立其書甚工云是宜官書也况復德總郇周聲高梁楚郇故國名左氏

傳曰畢原鄭郇文之昭也汲郡古文曰晉武公滅郇以賜大夫原點是為郇叔又云文公城郇臣瓚云在晉之境內河東有郇城即古郇國班彪北征賦曰息郇郇之邑鄉郇周地也貨殖傳曰洛陽東賈齊魯南賈梁楚

希風慕義之士舉袂成帷卧轍反車之流摩肩相接戰國

策蘇秦說齊宣王曰臨淄之途車轂擊人肩摩連社成帷舉袂成幕遂使王充閭市之處

遠出荒郊後漢書曰王充字仲任會稽上虞人也好博覽而不守章句家貧無書嘗游洛陽市肆閱

所賣書一見輒能誦憶石苞販鐵之所翻臨崖岸晉書曰石

遂博通衆流百家之言

芑字仲容渤海南皮人也被使到鄴事久不決乃販鐵於市市長沛國趙元儒名知人見芑異之因與結交嘆

芑遠量當至公

聖德謙虛未忘誼湫

左氏傳曰湫隘蹢躅

輔由是知名

小欲令吹簫舞鶴還反舊鄧

史記稱伍子胥鼓腹吹簫乞食吳市吳越春秋曰吳

王闔閭葬女於國西閭門乃舞白鶴於吳市中令萬民隨而觀之還使男女與鶴俱入羨門因發機以掩之殺

生以送死

賣卜屠羊請辭新閭

漢書曰蜀有嚴君平卜筮于成都市一日裁數人得百錢

足自養則閉肆下簾而授老子又三輔黃圖曰司馬季

主卜於東市莊子曰楚昭王失國屠羊說走而從於王

昭王反國將賞從亡者及屠羊說屠羊說曰大王失國

說失屠羊大王反國說亦反屠羊臣之爵祿已復矣又

何賞之有遂不受也崔豹古

而交貿之黨好留幽岐之

今注曰關市垣關市門也

欽定四庫全書

廣子山集  
卷十一

二

衆難遣

廣雅曰貿易也史記周本紀曰公劉子慶節立國於豳古公亶父立薰育戎狄攻之古公去豳

波漆沮踰梁山止於岐下豳人舉國扶老攜弱盡復歸古公於岐下索隱曰豳即邠也徐廣曰岐山在扶風美陽西北其南有周原

文

移齊河陽執事文

周書武帝紀曰天和四年夏四月乙巳齊遣使來聘以正月辛卯朔推之當是四月二十二日來聘二十七日移文也下篇云大司馬齊國公知是齊王宇文憲所移也高氏受東魏禪國號曰齊時河陽為彼所屬故移

周天和四年四月二十七使持節車騎大將軍儀同三

司大都督陝西總管府移齊河陽執事

陝西總管齊王憲也憲本傳及

碑文云天和元年徵還雍州牧雍州陝西也

自疆場卧鼓邊鄙收烽義讓之

行未能暮月孔城誨盜即值芑藏

周書云天和四年齊將獨孤永業來寇盜

殺孔城防主能奔達以城應之通典云河南府壽安縣有九曲城所謂九阿也高齊置孔城防以備周在縣東

南左傳鄭行人子羽曰大國無乃芑藏禍心以圖之

是以板載之師須時而動自

安封域非求拒防

詩云縮板以載博物志曰齊南有長城巨防陽關之險

雖復風

塵蹙接旗鼓無侵五將即迴雙嶠已靜

李陵答蘇武書云五將失道陵

欽定四庫全書

庚子山集  
卷十一

三

獨遇戰左氏傳曰秦穆公名孟明西乞白乙使出師襲鄭蹇叔之子與師哭而送之曰晉人禦師必于崤崤有二陵焉其南陵夏后臯之墓也其北陵文王之所避風雨也謝朓和王著作八公山詩曰雙崤望河漢以崤有二陵稱  
雙崤矣始奉朝旨獲彼移書令受叛城使迴軍實左氏傳曰以數  
軍實想彼邊司已奉處分既有此還輒須領納未知何日可遣戍兵指附行人遲能速報盟且不渝隣境相善顧瞻原野幸甚實多故移

又移齊河陽執事文

周天和四年十一月十日陝州總管長史梁昕移齊河

陽執事

周書云梁昕字元明安定烏氏人也天和初徵拜工部中大夫出為陝西總管府長史

自

拭玉繼書通關去傳

儀禮曰賓朝立東西面賓人北面坐拭圭鄭注賓使者拭清之也漢

書音義曰舊出入關皆用傳傳煩因裂襦帛分持後復出合之以為符信言周齊通好也周書天和四年四月

齊遣使來

實謂上方銷劒山陽息馬

漢書顏師古注云尚方少府之屬官

聘是也

也使供御器物故有斬馬劍也尚書武成篇曰歸馬過華山之陽孔傳曰欲使自生自死示天下不復乘用

過

茲禦客或慢重局

周易曰重門擊柝以禦暴客說文曰局門之闕也

屬故司疆

陰行善盜君一臣二上穆下乖

司疆司疆場之官謂齊將獨孤永業也永業來

寇盜殺孔城防主言君方修好而臣有貳心上行和順而下獨乖戾蓋責之也

國家以邊鄙心

搖須固備守大司馬齊國公天子介弟中軍元帥

謂齊煬王

憲也武成二年封齊國公天和三年拜大司馬馬憲為太祖宇文泰之第五子武帝之弟也駕馭孫吳

驅馳競虎

孫武吳起也述異記曰競之為獸狀如虎豹而小

舉因農隙義異城

郎師巡我境曾非反

周書武帝紀云天和四年八月庚辰盜殺孔城防主以其地入

齊九月辛卯遣柱國齊國公憲率衆於宜陽築崇德等城春秋隱元年夏四月費伯帥師城郎杜注魯邑高平

方與縣東有郁郎亭九年傳曰夏城郎書不時也文十二年季孫行父帥師城鄆杜云城陽姑幕縣南有員亭

即鄆也昭元年傳云季武子伐莒取鄆莒人告於會楚告於晉請戮其使趙孟曰莒魯爭鄆為日久矣縮

載之畢前旗已迴

詩大雅綿云從繩則直縮板以載毛傳云無謂之縮釋詁云繩謂之縮孫

炎曰繩束築版謂之縮郭璞云縛束之也

彼國兵馬不防

彼國謂齊也

殿後餘塵

遂至相接

左氏傳曰猛也殿又曰孟之側後軍也

建旌壘

疑作壘

上未及五申安鄴城防先驚七伏

史記曰孫武子三令五申之左傳宣十二

年邲之戰云士季使鞏朔韓穿帥七覆於教前杜云為伏兵七處也

當時鋒刃或膏原野

漢書師古注曰鋒戈戟刃也又蘇武傳衛律曰漢書師古注曰鋒戈戟刃也又蘇武傳衛律曰

所獲彼

將夏州刺史梁老首領今以相還尸鄉不遠無令久客

漢書地理志河南郡偃師縣尸鄉殷湯所都後漢書曰溫序為隗囂所殺喪到洛陽賜城傍地為塚長子壽夢

序曰久客思鄉里壽

馬驢甲兵具條相勒封人宜依領



納宿無鬪志不獲交綏致此埃塵誰階其咎故移

周禮封人

掌為畿封而樹之鄭注畿上有封若今時界也左氏傳曰潁考叔為潁谷封人祭仲足為祭封人宋高哀為蕭封人論語有儀封人皆以地方封人蓋封人職典封疆居在邊邑潁谷儀祭皆是國之邊邑也左傳文十二年曰乃皆出戰交綏杜注云古名退軍為綏晉志未能堅戰短兵未至爭而兩退故曰交綏正義曰魏武引司馬法云將軍死綏舊說綏却也詩云誰生厲階

### 移虜留使文

周書建德五年二月辛酉遣皇太子斌巡撫西土仍討吐谷渾戎事節度並宜隨機專決按武帝母皇太后叱奴氏以建德三年三月癸酉崩至建德五年三月戊申祥文云入境以來國祥

甫邇至遣使相隨永敦隣睦知虜謂吐谷渾也  
吐谷渾遣使入境在建德五年二月發遣彼使  
在次年春初建德  
六年正月所移也

年月朔日某官告配某州郡前本欲發遣彼使但某入

境以來國祥甫邇自秋迄冬未申款接

周書云建德三年三月癸酉皇

太后叱奴氏崩帝居倚廬朝夕共一溢米羣臣表請累  
旬乃止詔皇太子斌總釐庶政五月庚寅葬文宣皇后  
於永固陵帝袒跣至陵所辛酉詔曰齊斬之情經籍彛  
訓迭代沿革遂亡斯禮伏奉遺令既葬便除攀慕几筵  
情實未忍三年之喪達乎天子古今無易之道王者之  
所常行但時有未諧不得全制軍國務重庶自聽朝緣  
麻之節苦廬之禮率遵前典以申罔極百寮以下宜遵  
遺令公卿上表固請俯就權制過葬即吉帝不許引古

禮答之羣臣乃止於是遂申三年之制五服之內皆令依禮建德五年二月辛酉皇太子斌巡撫西土討吐谷渾三月壬寅文宣皇后服再暮戊申祥知是吐谷渾遣使入境在於建德五年二月至三月祥是入境以來國祥甫邇也又云自秋迄冬未申且狼星表邦嚴霜已戒

史記天官書曰五官東有大星曰狼狼角變色多盜賊正義曰狼一星參東南狼為野將主侵掠占非其處則人相食色黃白而明吉赤角兵起金火守亦如之楚辭曰秋既戒之白露冬又申之以嚴霜浮河亂

濟長路苦寒

禹貢曰濟河惟兗州又云浮於濟漯達於河又云入於涓亂於河孔安國曰正絕流

曰亂史記索隱曰濟水出河東垣縣王屋山東其流至濟陰故應劭云濟水出平原陰縣東陸機詩云劇哉行役人慢慢恒苦寒言虜使入境以來初為國祥又以盜賊之警所以自春至冬未申款接也時當獻

歲維新三元告慶

楚辭曰獻歲發春兮泊吾南征三元元日謂為歲日月之元也亦稱三朝

班固東都賦曰春王三朝

珪贄盈庭華裔參軫

周禮曰公執桓圭侯執穀璧男執蒲璧以朝覲宗遇會同于王又曰以六禽

作六贄鄭云贄之言至也所執以自致也封禪書曰百

蠻執贄左氏傳曰庭實旅百左傳杜注云諸華中國又

姜戎曰謂我諸戎四嶽之裔胄也杜云裔遠也昭九年

傳云先王居櫛於四裔以禦魘魅式觀盛禮洽此嘉

說文曰軫車後橫木也參軫言多也謹陽和既動澤漸萬邦便當遣使相隨永敦隣睦故移

序

# 趙國公集序

周書列傳云趙王招字豆盧突幼聰穎博涉羣書好屬文學庾信體詞多輕豔武成初進封趙

國公建德二年進爵為王

所著文集十卷行於世

竊聞平陽擊石山谷為之調

皇甫謐曰舜都平陽虞典

國曰石磬也

大禹吹筠風雲為之動

說文曰筠竹皮也

與夫含吐性

靈抑揚詞氣曲變陽春光迴白日豈得同年而語哉

宋玉

曰陽春白雪

柱國趙國公發言為論下筆成章逸態橫生新

情振起風雨爭飛魚龍各變

樂動聲儀曰風雨動魚龍

方之珪璧塗

山之會萬重

左傳哀十年大夫對孟孫曰禹會諸侯於塗山執玉帛者萬國

譬以雲霞

赤城之巖千丈

孔靈符會稽記曰赤城山名皆赤狀似雲霞懸雷千仞謂之瀑布飛流酒散冬

夏不

文參厯象即入天官之書

史記有天官書索隱曰參天文有五官官者星

官也星座有尊卑若人之官曹列位故曰天官

韻涉絲桐咸歸總章之觀

三輔皇圖

曰明堂之制

論其壯也則鵬起半天

莊子曰鵬之背不知其幾千里也怒

而飛其翼若垂天之雲

語其細也則鷦巢蚤睫

莊子曰鷽鷽巢林不過一技此云鷽

巢鷽疑作焦蓋謂焦螟蟲也列子曰江浦之間生麼蟲其名曰焦螟羣飛而集於蚊睫弗相觸也栖宿去來蚊

弗覺也張湛曰麼亡果反細也字書云麼小也

宜直熊熊旦上增城抱日月之

光

熊熊一作熊羅陸璣疏曰熊能攀緣上高樹見人則顛倒自投地而下冬多入穴而棲始春而出脂謂之

熊白史記天官書說歲星云熊熊有光按下文醵醵從熊熊為是楚詞增城九重

醵醵宵飛南

斗觸蛟龍之氣

洛誥曰無若火始醵醵孔傳云醵醵尚微崔豹古今注曰螢火一名宵飛南斗

句即豫章記所謂豐城劍氣光於牛斗者也劍卒化為龍矣

昔者屈原宋玉始於哀

怨之深

史記曰屈原被放至於江濱乃作懷沙之賦懷石自投汨羅以死屈原既死之後楚有宋玉唐

勒景差之徒皆好辭而以賦見稱皆祖屈原之從容詞令終莫敢直諫者

蘇武李陵生於別

離之世

漢書曰蘇武字子卿京兆人武帝天漢二年以中郎將使匈奴十九年不屈節歸漢李陵字少

卿天漢中將步卒五千擊匈奴轉關矢盡遂降單于以女妻之立為右校王在匈奴二十餘年卒詩品曰李陵詩其源出於楚辭文多悽愴怨者之流陵名家子有殊才生命不諧聲顯身悲使陵不遭辛苦其文亦何能至

此自魏建安之末晉太康以來雕蟲篆刻其體三變

宋書

謝靈運傳論曰自漢至魏四百餘年辭人才子文體三變建安獻帝年號太康晉武帝年號也揚雄法言或問吾子少而好賦曰然童子雕蟲篆刻俄而曰壯夫不為也人人自謂握靈蛇之珠抱

荆山之玉矣

二語出曹子建與楊德祖書說苑曰昔隨侯行遇大蛇中斷疑其靈使人以藥封之

蛇乃能去因號其處為斷蛇丘歲餘蛇銜明珠徑寸絕白而有光因號隨珠卞和璧始皇以為傳國璽也韓子曰卞和抱其璞哭於荆山之下公斟酌雅頌諧和律呂若使言乖節目

則曲臺不顧聲止操縵則成均無取

漢書曰孟卿說禮數萬言號曰后氏

曲臺記服虔曰在曲臺校書者記因以為名師古曰曲臺殿在未央宮學記曰不學操縵不能安絃周禮大



司樂掌成均之法以治建國之學政而合國之子弟焉

遂得棟梁文囿冠冕詞林

大雅扶輪小山承蓋

詩序曰詩有大雅焉有小雅焉羽獵賦曰齊桓公曾不足使扶輪又

曰風翺翺其扶輪楚辭序曰招隱士者淮南小山之所作也

# 傳

周使持節大將軍廣化郡開國公丘乃敦崇傳

崇恒州代郡鼓城縣廣義鄉孝讓里人也昔壽丘建國

賜姓者十二人

竹書紀年曰黃帝母曰附寶見大電繞北斗樞星光照郊野感而孕二十五月

而生帝於壽丘史記正義曰壽丘在魯東門之北今在兗州曲阜縣東北六里皇甫謐云黃帝生於壽丘長於

姬水因為姓國語胥臣云黃帝之子二十五宗其得姓者十四人為十二姓姬酉祁已滕箴任荀嬉結環依

是平陽舉賢登朝者十六族皇甫謐帝王世紀堯都平陽於詩為唐國史記曰昔

高陽氏有才予八人世得其利謂之八愷高辛氏有才予八人世謂之八元此十六族者世濟其美至於堯堯

未能舉舜舉八愷使主后土舉八元使舉五教於四方事出左傳况復大電繞樞流星

入昴大電繞樞黃帝之祥注見上文流星入昴帝堯之祥論語識曰帝堯率舜游首山觀河渚視五老飛

為流星上昴派分源別幹其嗣興者乎魏道武皇帝以命世

雄圖飲馬河洛北史曰魏之先出自黃帝子之少子受封北國其後世為君長魏平文皇帝生

二子長曰沙漠雄次曰什翼犍兄弟十人分為十姓道武帝祖帝拓中原國號曰魏

謂後魏為拓跋氏道武以沙漠雄子高宗室之長為長  
孫氏至魏文帝以獻帝長兄為統晉氏次兄普氏為周  
氏次兄為達奚氏次兄為伊婁氏改婁氏次兄敦丘氏  
改為丘氏次兄侯氏改為萬侯氏叔父之後乙旃氏為  
叔孫氏疏俗車焜氏改為車  
氏是為十姓見魏書及北史  
辨風吹律丘氏即其一焉  
魏十姓敦丘氏為丘氏是也春秋孔  
演圖云孔子曰丘援律吹律有姓  
五代祖邈驃騎大

將軍開府儀同三司營丘郡開國公於時天道西北既

稟謀謨

左傳董叔曰天  
道多在西北

馬首東南實資匡贊

左傳襄十  
四年荀偃

令曰雞鳴而駕塞井夷竈惟余馬首是瞻藥廩曰晉國  
之命未是有也余馬首欲東乃歸此言進退皆從之也

因以封名仍為賜氏

謂邈封營丘郡  
賜姓丘氏也

與夫南公伯即有

連類宗則樂正非無準則

以上與夫至準則似有缺文  
兼疑訛字未敢以意增改今

照原本  
錄之

曾祖雙軌使持節驃騎大將軍司徒青兗二州

刺史范陽文昭公洛食之始上馬治國

洛誥曰我乃卜  
澗水東瀍水西

惟洛食孔傳曰今河南城也漢書陸  
賈曰馬上得之亦將以馬上治之乎

登庸之初昇槐論

道

尚書曰疇咨若時登庸孔傳曰庸用也誰能成熙庶  
績順是者將登用之周禮曰三槐三公位焉尚書曰

惟茲三公  
論道經邦

生則絕席武宮死則配祠清室

後漢張禹傳  
詔令禹舍宮

中每朝見與三公絕席黃  
圖曰清涼殿亦曰延清室

夫人太原王氏三世為將四

代為公

太原王氏出自王離次子威漢揚州刺史九世  
孫霸字仲儒居太原晉陽後漢連徵不至霸生

咸咸十九世孫澤字季道雁門太守生昶字文舒魏司空京陵穆侯二子渾濟見晉書此太原氏族之盛也云三世為將者史記稱王翦子王賁王翦之孫王離又云今王離已三世將矣云四代為公者晉渾濟等是也

社稷大宗鍾鼎貴族伉儷是歸秦晉匹也

言太原本世胄之家夫人

王氏來歸於我也禮有大宗小宗漢書曰擊鍾鼎食左氏傳曰已不能庇其伉儷而亡之杜預曰伉敵也儷偶也正義曰禮謂兩皮謂儷皮儷兩也故為耦伉者相當之言故為敵也伉儷者言是相敵之匹偶又左傳懷嬴曰秦晉匹也何以卑我杜注云匹敵也

祖提使持節衛將軍駙馬都督河

交二州刺史靈壽縣開國公公子公孫聲名籍甚增輝

增耀弱冠昇朝夫人清庶郡長公主孝文帝之第二女

也王姬有行車服不繫

詩序曰王姬下嫁於諸侯車服不繫其夫下王后一等

故

得衛青上將張耳賢夫

漢書曰衛青尚平陽主天文志云文昌六星一曰上將青拜大

將軍故云上將又漢書曰張耳大梁人也嘗亡命游外黃外黃富人文甚美庸奴其夫亡即父客曰必欲求賢

夫從張耳

父願使持節大都督徐州諸軍事徐州刺史平陽

縣開國公食邑四千戶少年習象多見兵書澆沙聚石

之營却日橫雲之陣

曹瞞傳曰公軍渡渭為馬超所衝突營不可立地又多沙不築時天

寒乃多作鱖囊以運水起沙為城以水灌之一夜而成北明城立由是公軍盡得渡渭晉書曰諸葛亮造八陣圖於魚復平沙上累石為八行相去二丈淮南子曰魯陽公與韓戰戰酣日暮援戈而麾之日為之反三舍風

后握奇經有

彎弧則戟破小支抽劍則泉飛枯井

曹植白馬

篇曰控弦破左的右發摧月支漢書曰貳師將軍李廣利拔佩刀刺山飛泉湧出

夫人宇文氏

周文皇之第三妹也母儀令範女師賢哲德高隆慮義

重河陽

漢書王太后第三女曰隆慮公主續列女傳曰趙皇后屬河陽主家學歌舞

魏受其

終周新其命式墓封墳追旌盛德

後漢書曰明帝遣使祠蕭何霍光帝謁園

陵遇式墓史記其命閼夫封比干之墓注云封謂益其土

乃贈使持節大將軍廣化

郡開國公食邑一千戶夫人贈安德郡長公主遊魂寃

結非無廣漢之城

後漢書曰陳寵轉廣漢太守先是洛縣城南每陰雨常有哭聲聞於府中

積數十年寵使吏案行還言世衰亂時此下多死亡者而骸骨不得葬儻在于是寵盡收歛葬之自是哭聲遂絕

久客思歸惟有東平之樹

皇覽曰東平思王家在無鹽人傳言王在國思歸京

師後葬其冢上松柏皆西靡也

自永安以來魏室大壞

北史云魏莊帝諱子攸彭城王

認之第三子也武泰元年明帝崩大都督爾朱榮謀廢立陰與帝通率衆來赴帝與兄弟夜北渡河會榮于河陽即皇帝位是年改元永安

海水羣飛天星亂動

揚雄劇秦美新曰海水羣飛漢書劉

向封事諫曰夜中星隕如雨

禮樂征伐不出於人主舉賢誅暴議在

於強臣

謂爾朱榮也北史云榮以兵權在已遂有異志乃害靈太后及幼主次害無上王等後復表請

追謚無上王為皇帝餘俱有贈子孫聽立後授封爵舉賢如以前太尉江陽王繼為太師以下是也誅暴如討



葛榮極送京師斬於都市是也三年帝殺榮於明光殿帝卒為爾朱氏所弑爾朱世隆立廣陵惠王羽之子恭

是為高丞相驅率風雲奄荒齊晉北史云高歡渤海蓍人也普泰元年廢帝

即位於信都西改元中興以渤海王高歡為丞相二年為大丞相歡既敗爾朱氏廢帝自以疎遠遜位歡立武

帝永興二年高歡大破爾朱氏山東平我舅氏文皇帝駕馭龍虎據有周

秦南北渝盟東南敵怨謂周太祖宇文泰也北史魏武帝紀曰永興三年帝內圖高歡

乃以斛斯椿為領軍使與王思政統之以為心膂軍謀朝政咸決於椿分置督將及河南關西諸刺史帝親總

六軍十餘萬次河橋高歡引軍東渡帝出宇文泰遣李賢和等各領數百騎會帝於崤中高歡入洛遣婁昭等

追帝不及宇文泰遣大都督趙貴等甲騎二千來赴乃奉迎過河泰迎帝於東陽帝勞之將士皆呼萬歲遂

入長安以雍州公解為官大赦是為西魏高歡東遷洛陽歡推清河王顓子善見為主徙都鄴是為東魏魏於此始分為二周本紀云普回子莫那自山陰南徙始居遼西是曰獻侯為魏舅甥之國故曰舅氏既而

各受圖書竝當珪璧

謂高氏宇文氏後俱受命為帝也河圖洛書帝王之符也左氏傳曰

當璧而拜者神所立也北史云魏大統十六年東魏靜帝遜位於齊是為文宣皇帝諱洋神武第二子也魏恭帝三年遜位於周是為閔帝諱覺太祖第三子也高氏宇文氏竝為帝矣百姓則父南子北

兄東弟西事主則憂親求生則慮禍大周親戚徧鍾荼

炭輸之城旦下之織室關河嚴隔三十餘年

言周齊兩國爭疆東

西否隔親戚流寓或致罪戾不得遣歸也史記秦始皇本紀云黔為城旦如淳曰律說論決為髡鉗輸邊築長

欽定四庫全書

卷十一

城晝日伺寇虜夜募築長城城旦四歲也漢書刑法志曰諸當完者完為城旦春又外戚傳曰漢使曹參等擄魏王豹而薄姬輸織室天厭喪亂人思反德彼之風塵既靜函谷

此之冠蓋屢涉漳濱

言周齊彼此和親干戈少息也按周本紀天和六年齊遣使來聘建

德元年周遣司宗李祭小賓部賀遂禮於齊是也至谷本秦至谷關周宇文氏所都漳濱鄴地齊高氏所都周武帝詔曰偽齊叛漢竊有漳濱是也中山冤枉之餘代郡凋殘之澤竝遇

革音咸蒙禮送

中山二語言高氏廢帝自立魏之支屬皆留齊地會周齊和親乃許還其本國

也下云崇等生還是魏周戚屬由是得歸矣漢書曰中山王衍入即位是為平帝後王莽即真遂廢帝又文帝紀曰周勃等奉天子法駕迎于代邸中山指靜帝為高氏所廢若漢平帝代郡指清河王子善見本高歡所立

若漢代卽此二帝之後  
向被拘囚今蒙禮送也

崇賓兄弟二人相看氣息親愛

凋零方寸久亂恒山殺翮豈望同飛而安國徒中鬱為

卿相班超絕域遂得生還

爾雅曰北岳恒山張宴漢書注云恒山在常山郡西郭璞

山海經注云雁門山即北陵西隄雁之所出因以為名在高柳北地理志有雁門郡淮南子曰飛鳥鍛羽許慎注云鍛殘羽也言雁之殘羽不能飛也史記曰韓安國者梁成安人也事梁孝王為中大夫其後坐法抵罪無何梁內史缺漢使使者拜安國為梁內史起徙中為二千石位至御史大夫行丞相事後漢書班超曰臣不敢望到酒泉但願

天和四年

武帝之八年也

至於新邑

以上序賓崇兄弟二

人自齊來歸也

朝廷以舅甥之國外內之親乃授賓使持節驃

騎大將軍開府儀同三司大都督安樂縣開國公食邑

一千戶賓得免虎口仍上龍門

莊子孔子曰丘幾不免虎口哉司馬遷書曰垂

餌虎口辛氏三秦記曰河津一名龍門水險莫通魚鼈之屬莫能上江海大魚薄集龍門下數千不得上上則

為龍也聲價已高風焱即遠方欲討論國恥申雪家冤橫

尸原野是所甘心時不我與先從朝露春秋若干

言宿先崇

死也衛國興文子之慟長安有詔葬之悲

衛國興文子之慟者疑引衛公

叔文子公孫發卒也漢書曰霍去病薨上悼之發屬國玄甲軍陳自長安至茂陵為冢象祁連山

乃贈

本官加少傅蒲盧勲三州諸軍事蒲州刺史以天和六

年平鄴都年某月日葬於長安之洪瀆原妻青州石氏長城

郡君脩子孤笄生妻嫠室即能有節還成守義崇蒙授使持節大都督驃騎大將軍開府儀同三司廣化縣開

國公食邑一千戶昆季二人同年上將彤廷交映蔡戟

相臨

西都實曰玉階彤庭崔豹古今注曰蔡戟及之遺象也詩所謂伯也執殳為王前驅前驅之罷也以

木為之後世滋偽無復典刑以赤油韜之亦謂之油戟亦謂之蔡戟王公以下通用之昔二馮同

德繼踵當官

漢書曰成帝時馮野王為上郡太守後弟立亦自五原太守徙西河上郡居職公庶

百姓歌之曰大馮君小馮君兄弟繼踵相因循聰明賢知惠吏民政如魯衛德化均周公康叔猶二君兩

杜齊名夾河為郡

漢書杜周傳曰始周為廷吏有一馬及久任事列三公而兩子夾河為郡

守家聲累

比斯榮寵彼將慙色俄然賓疾奄捐館舍崇

巨萬矣

兄弟勝衣備罹禍酷同氣長養得及全人今者來歸更

連凶閔每一悲慟行路傷心撫養愛子情深馬援之慈

後漢書馬援傳曰兄况卒援行服暮年不離墓所敬事寡嫂不冠不入廬援有誠兄子嚴書

恭事寡

嫂義甚顏含之孝

晉書曰顏含字弘都瑯琊華人也兄畿咸寧中得疾就醫自療遂死於醫

家家人迎喪旒每繞樹而不可解引喪者顛仆稱幾言曰我壽命未死但服藥太多傷我五臟今當復活慎無葬也其婦及家人夢之曰吾當復生可急開棺而父不聽舍時尚少乃慨然曰非常之事自古有之今靈異至

此開棺之痛孰與不開相負父母從之乃共發棺果有生驗以手刮棺指爪盡傷然氣息甚微存亡不分飲食所須託之以夢闔家營視頗廢生業雖在母妻不能無倦矣舍棄絕人事躬親侍養不出戶庭者十有三年幾竟不起舍二親既終兩兄繼沒次嫂樊氏因疾失明舍課勵家人盡心撫養每日自嘗省藥饌察問息耗必簪履束帶醫人疏方應須臾蛇膽而尋求備至無由得之含憂嘆累時嘗畫獨坐忽有一青衣童子年可十三四持一青囊投舍舍開視乃蛇膽也童子化青鳥飛去得膽藥成嫂病即愈由是著名已上序賓卒崇克盡弟道也

天和六年授大將軍餘如故龍庭賞出塞之功玉門

勞旋師之寵異代同和見之今日

後漢書班固燕然山銘曰焚老上之龍庭

注云匈奴五月大會龍庭祭其天地鬼神今皆焚蕩之又耿恭傳曰恭引兵據陳勒匈奴攻恭恭厲士衆擊走



之數月食盡困窮稍死餘數十人漢遣兵迎校尉  
遂相隨俱歸發疎勒時尚有二十六人隨路死沒三月  
至玉門惟餘士二人

建德二年授使持節都督宜州諸軍事宜州

刺史忽忽橫閣但有誦書曖曖重帷惟聞善政清不置

水明非舉燭

高士傳曰任棠字季卿隱身不仕龐參為漢陽太守到先就家候焉棠不與言但以

蕪一本水一孟置戶屏前身抱孫兒伏于戶下主簿白以為倨傲參思其微意良久曰棠置一孟水欲諭太守清也投一本蕪欲諭太守擊強宗也抱孫兒當戶欲諭太守開門恤孤也韓子曰郢人有遺燕相國書者夜書火不明因謂持燭者舉燭云而過書舉燭舉燭非書意也燕相受書而說之曰舉燭者尚明也尚明也者舉賢而任之燕相白王大悅國乃入境移風非直停車待以治治則治矣非書意也

雨後漢書曰賈琮為冀州刺史升車命御者褰帷諸臧過者望風解印綬去又曰鄭弘行春隨車致雨有

勅大將軍宜州刺史廣化郡公崇自夏季無雨以迄於今雖靡神不禱仍未降感知彼州內獨蒙滂澤諒由大將軍精誠所致憂念郡人豐稔可希良以為慰又勅廣化公崇知此存心政術治勤黎人受委稱職嘉尚無已古人有言非行之難念加勉勗以致盡善指令宣納抑操賜齊陳物如別宜諭朕懷昔陽平太守別降紅粟之恩荊州刺史偏蒙袞衣之賜治績尤異此之謂乎

晉書武帝

紀曰太康十年夏四月以陽平太守梁柳有政績賜穀千斛吳都賦曰海陵之倉則紅粟流衍益都耆舊傳曰郭賀拜荊州刺史明帝巡狩到南陽特賜以三公之服黼黻旒冕勅去襜露冕見此以彰其德

崇清淨

為政廉明為法人不忍背吏不忍欺性不飲酒無所嗜

欲深沉牆仞喜愠不形文必正詞絃惟雅曲仁義禮節

是所用心緹帙紺素愛翫無已當今四郊多壘尚有公

卿之辱

禮記曰四郊多壘此卿大夫之辱也

鼓聲不息猶勞將帥之謀

禮記

曰君子聞鼓聲之聲則思將帥之臣

語其讎恥惟願橫行死地思其報國

不吝身膏原野

漢書上將軍樊噲曰臣願得十萬衆橫行匈奴中揚子法言曰秦將白起長平

之戰四十萬人死原野  
人之肉川谷流人之血  
但今天假之年時綏之福忠

貞之事公其取焉畧書梗概陳之直史

後漢書杜篤論都賦序曰故畧

其梗概不敢具陳注  
云梗概猶麤畧也

庾子山集卷十一

欽定四庫全書

庾子山集卷十二

周庾信撰

錢唐倪璠纂註

銘

秦州天水郡麥積崖佛龕銘

并序

天水郡漢武帝元鼎三年置秦州地記云郡前  
湖水冬夏無增減因以名焉麥積山者北跨清  
渭南漸兩當五百里岡巒麥積處其中崛起一  
石崑高萬尋望之團團如民間麥積之狀故有  
此名其青雲之半峭壁之間錫山成佛萬龕千  
室雖自人力疑具鬼功隋帝分葬神泥舍利函

欽定四庫全書

月三山集  
卷十二

於東閣之下伽室之中有庾信銘記刊於巖中  
見太平廣記袁宏後漢紀曰浮屠者佛也漢言  
覺將覺悟羣生也龕者塔也方志云受廣雅云  
盛也按周武帝建德三年始除佛道二教是銘  
當在建德三年  
以前所作也

麥積崖者乃隴底之名山河西之靈嶽

隋書地理志云天水郡舊秦州

後周置總管府天水郡有隴城縣西京賦曰右有隴坻之隘應劭曰天水有大阪曰隴坻左氏傳曰名山川史記曰渾邪王以衆降數萬遂開河西酒泉之地正義曰河謂隴右蘭州之西河也夏本紀曰至於龍門西河索隱曰河在冀州西故云西河隋書地志云周禮職方正西曰雍州安定北地上郡隴西天水金城于古為六郡之地河西諸郡其風頗同竝有金行之氣按麥積在秦州東南九十里又有豆積山在其中  
**高峯尋**

雲深谷無量

淮南子曰高山尋雲谿肆無景

方之驚鳥迹遁三禪

史記大宛

傳注括地志曰王舍國胡語曰罪悅祇國其國靈驚山胡語曰耆闍崛山似青石石頭似驚鳥名耆闍驚也山周四十里外周圓水佛於此坐禪及諸阿難等俱在此坐大品經曰初禪二禪三禪四禪按十八天分為四禪初禪三天二禪三天三禪三天四禪九天三禪皆依雲住至四禪方在空居此云迹遁三禪者言高峯挿雲也

也 譬彼鶴鳴虛飛六甲

舊唐書地理志云蜀州晉源漢江源地鶴鳴山在西北十里神仙

傳曰張道陵與弟子入蜀住鶴鳴山著作道書二十四篇乃精思鍊志忽有天人下千乘萬騎金車羽蓋驂龍駕虎不可勝數或自稱柱下史或稱東海小童乃授陵以新出正一明威之道鶴鳴即鶴鳴山鶴鳴通稱矣又漢武內傳上元夫人謂王母有六甲靈飛之符按此為道家之言故云譬彼言麥積可擬靈驚鶴鳴二山也



欽定四庫全書

廣子山集  
卷十二

鳥道乍窮羊腸或斷

南中志曰鳥道西百里以其險絕獸猶無蹊特上有飛鳥之道耳高

誘曰羊腸其山盤紆如羊腸也鄴道元水經注云羊腸盤道三十六回在成州仇池山雲如鵬翼忽

已垂天

莊子曰鵬之背不知其幾千里也怒而飛其翼若垂天之雲

樹若桂華翻能

拂日

楚辭曰折若木以拂日

是以飛錫遙來度杯遠至

孫綽遊天台賦曰應

貞飛錫以跨虛注云大智論曰菩薩常應二時頭陀常用錫杖經傳佛像佛國記曰那竭國城東北一山延到

一谷口有佛錫杖亦起精舍供養杖以牛頭栴檀作長丈六七尺許以木筒盛之正復百千人舉不能移高僧

傳曰杯度者不知姓名常乘木杯渡來

疏山鑿洞鬱為淨土

維摩經曰爾時螺髻梵王

語舍利弗我見釋迦牟尼佛土清淨如自在天宮佛語舍利弗若人心淨便見此土功德莊嚴拜燈王

於石室乃假馭風

維摩詰經曰文殊師利言東方度三十六恒河沙國有世界名須彌相其

佛號須彌燈王佛身長八萬四千由旬其師子座高八萬四千由旬嚴飾第一於是長者維摩詰現神通力即時彼佛遣三萬二千師子之座高廣嚴淨來入維摩詰室悉皆包容無所妨礙爾時維摩詰語文殊師利就師子座與諸菩薩上人即自變形為四萬二千由旬坐師子座諸新發意菩薩及大弟子皆不能昇維摩詰言為須彌燈王如來作禮乃可得坐於是新發意菩薩及大弟子即為須彌燈王如來作禮便得坐師子座莊子曰夫列子御風而行冷然善也

禮花首於山龕方資控鶴

花首菩薩名此及釋氏所

引舊作花首今藏經本首作手佛說華手經十卷姚秦鳩摩羅什譯經云時大目連從座起頂禮佛足為佛敷座高至梵天又於室中作經行之處七寶莊嚴有雜色蓮花彌覆水上華上有化比丘皆如目連又云諸菩薩

持蓮華頂禮佛足又云時諸菩薩以此蓮華欲散十方  
佛以手摩一一蓮華中佛身半現此諸化佛從空而去  
孫綽遊天台山賦曰王喬控鶴以冲天毛萇詩傳曰控  
引也按上文石室此云山龕謂麥積山之石室山龕也  
言佛之神通變化無相無名非有藉于風鶴也而此山  
之刻石為室足拜燈五鶴山成龕亦禮化佛此取風控  
鶴之喻亦空  
亦有者也  
大都督李允信者  
周書宇文廣傳云其  
故吏李允信等上表  
藉

於宿植深悟法門乃於壁之南崖梯雲鑿道奉為亡父

造七佛龕

按長阿含經一毘婆尸佛二尸棄佛三毘舍  
婆佛四拘留孫佛五拘那含佛六迦葉佛七

釋迦牟尼佛也似刻浮檀如攻水玉

佛國記曰佛上忉利天為  
母說法九十日波斯匿王

思見佛即刻牛頭栴檀作佛像置佛坐處佛後還入精  
舍像即退出迎佛佛言還坐我般泥洹後可為四部衆

作法式像即還坐此像最是衆像之始後人所法者也  
大莊嚴經論曰我昔曾聞波斯匿王往詣佛所頂禮佛  
足聞有異香殊于天香即白世尊爲誰香耶爾時世尊  
以手指地即有骨現如赤梅檀長于五丈如來語王所  
聞香者從此骨出過去有佛號迦葉彼佛世尊化緣已  
訖入於涅槃爾時彼王名曰迦翅取佛舍利造七寶塔  
高廣二由旬又勅國內諸有花香不聽餘用盡皆持往  
供養彼塔時彼國中有長者子與姪女通爲欲所盲即  
入迦葉佛塔盜取一花持與姪女即時悔熱身遍生瘡  
初如芥子後轉增長無有空處甚爲臭穢是時彼人父  
母兄弟皆來瞻視復命良醫而重診之云須牛頭梅檀  
用塗身體爾乃可愈時彼父母即以貴價買牛頭梅檀  
用塗子身爾時彼人涕泣驚懼白父母言子病從今而  
起非是身患專念迦葉如來三藐三菩提涕泣盈目以  
已所持梅檀之香悲哀白塔而說偈言即以花香塗香  
末香用供迦葉佛塔復以牛頭梅檀以畫佛身身瘡漸

差熱患盡愈彼長者子於後命終生於天上或處人中  
身常有香身體肢節皆有好相父母立字號曰香身爾  
時香身厭惡陰界求索出家得辟支佛道此骨是辟支  
佛所出之香是故衆人應供養塔獲大功德又增一阿  
舍經云優填王用牛頭栴檀雕佛像高五尺此為始  
也佛地論云七寶四頗胝迦翻譯云頗梨或云塞頗胝  
迦此云水玉即蒼玉或云水精又云白珠刊正記云正  
名寧坡致迦其狀似此方水精有赤有白山海經曰堂  
庭之山多水玉郭璞曰水玉今水  
精也言鵠石為像如栴檀水玉也從容滿月照曜青蓮  
瑞應經曰面如滿月色從容維摩經曰目淨修廣如青  
蓮華曰五情百骸目最為長瞻顏而作故先讚目也天  
竺有青華其葉修而廣青白分明有大人目相故以為  
喻也法華經曰有人聞是品能隨喜讚善者是人口中  
出青蓮香晉書佛圖澄傳曰澄  
咒鉢水生青蓮花光色曜目  
影現須彌香聞忉利聲

維摩經注曰須彌山天帝釋所在金剛山也秦言妙高處大海之中水上方高三百六十六萬里如來處四部之中威相超絕光蔽大衆猶金山之顯溟海者也什曰須彌山秦言妙高山也凡有十寶山須彌處其中餘九圍之也樓炭經曰須彌山王以四寶瑠璃水精金銀作成之須彌山王北脅天金照北方天下須彌山王東脅天銀照東方天下須彌山王西脅天水精照西方天下須彌山王南脅天瑠璃照南方天下又曰忉利天宮在須彌山上瑞應經曰第二忉利天上為天帝釋又曰佛生七日其母命終以懷天師功德大故上生忉利封受自然菩薩本知母人之德不堪受其禮故因其將終而從之應法師云忉利梵音訛略正云多羅夜登陵舍此云三十三俱舍頌云妙高頂八萬三十三天居四角有四峰金剛手所住中宮名善現周萬踰繕那高一半金城中有殊勝殿周千踰繕那踰繕那者舊曰由旬如斯塵鹿野還開說法之

堂

塵野疑作鹿野槃頭王苑名在槃頭城毘婆尸佛說法處也長阿含經曰毘婆尸如來於槃頭城鹿野苑

中轉無上法輪又四十二章經曰世尊成道已於鹿野苑中轉四諦法輪度憍陳如等五人而證道果猶

彼香山更對安居之佛

一作剎修行經太子言吾出香山之東雪山之北國名迦維宣

律師四分羯摩云四安居謂前中後也律有比丘四月十六日欲安居不止所在十七日方到佛言聽後安居即五月十六日也明了論云無五過處得安居一太遠聚落求須難得二太近城市妨修出家道三多蟲蟻自他兩損四無可依人五無施主供給未藥竝不可安居一作剎者伽藍號剎利輔行云西域以柱表剎示所居處也梵語剎瑟祇此云竿即幡柱也法華云表剎甚高廣法苑云阿育王取金華金幡懸諸剎上塔寺低昂昔者如來追福有報恩之經

如來佛號梵言多陀阿伽度報恩經後漢翻譯經云

父母者三界福田又曰釋迦牟尼佛說大方便大報恩經  
報欲令一切衆生孝養父母故一切衆生亦曾為如來  
父母如來亦曾為一切衆生而作父母為一切父母故  
常修方便此經名攝衆善本亦名大方便亦名微密行  
亦名佛

### 菩薩去家有思親之供

僧肇曰菩薩正音云菩  
提薩埵菩提佛道名也

薩埵秦言大心衆生有大心入佛道孟蘭盆經曰大周  
健連始得六通欲度父母報乳哺之恩即以道眼觀世  
間見其亡母生餓鬼中不見飲食皮骨連立目連悲哀  
即以鉢盛飯往餉其母母得鉢飯食未入口化成火炭  
逆不得食目連大叫悲號涕泣馳還白佛佛告目連十  
方衆僧七月十五日僧自恣時當為七世父母及現在  
父母厄難中者具飯百味五果著盆中供養此等自恣  
僧者現世父母六親眷屬得出三塗之苦應時解脫衣  
食自然時目連母即于是  
日得脫一劫餓鬼之苦

敢緣斯義乃作銘曰



鎮地鬱盤基乾峻極石關十上銅梁九息

周禮鄭注曰鎮名山安地

德者也徐敬業詩曰茲山復鬱盤禮記曰峻極于天蜀都賦曰阻以石門善曰石門在漢中之西褒中之北賦

又曰外負銅梁於宕渠善曰銅梁山名在巴東

百仞崖橫千尋松直陰兔假道

陽鳥迴翼

論語色咸注曰七尺為仞周禮云八尺曰尋張衡靈憲云月者陰精而成獸象兔蛤焉春

秋元命苞曰陽成於三故日中有三足鳥鳥者陽精蜀都賦曰羲和假道於峻岐陽鳥迴翼於高標

載輦

疏山穿龕架嶺紉紛星漢迴旋光景壁累經文龕重佛

影

史記夏本紀曰山行乘輦如淳曰輦車謂以鐵如錐頭長半寸施之履下以上山不蹉跌也河圖括地象

曰河精上為天漢楚辭曰借光景以往來兮王逸曰借神光電景泊往來也釋老志序曰蔡愔得佛經四十二

章及釋迦立像明帝令畫工圖佛像置清涼臺及顯節陵上經絨蘭臺石室佛國記曰那竭城南半山延有石室博山西南向佛留影此中去十餘步觀之如佛真形金色相好光明炳著轉近轉微髣髴如有十方國王遣工畫師模寫莫能及彼國人傳云千佛盡當於此留影顏氏家訓云影字當為光景之景凡陰景者因光而生即謂景也尚書云惟景嚮葛洪字苑景雕輪月殿刻鏡傍加多於景切梵云頻婆帳此云身影

**花堂橫鐫石壁闌鑿山梁**  
大昆婆沙論曰法輪如世間呼金輪等輪是動轉不住義

又圓滿義長阿含經曰月宮殿四方遠見故圓寒溫和遠天銀瑠璃所成純真無雜內外清徹光明遠照縱橫四十九由旬楞伽云譬如明鏡持諸色像現識現處亦復如是謂石室中雕輪則皆圓滿刻鏡則常淨照也論語曰山梁雌雉鄭注曰梁石絕水之

梁也言雕刻鐫鑿皆人工所成也

**雷乘法鼓樹積天**

香嗽泉珉谷吹塵石床

法華經曰擊大法鼓燒衆名香法鼓鐘也維摩經曰坐香樹下

聞斯妙香地理志藍田谷出玉說文珉石之美者關中記曰嵩高山石室十餘孔有石床池水食飲之具集

靈真館藏仙冊府芝洞秋房檀林春乳

桓譚仙賦序曰華山下有集靈

宮漢武帝欲懷集仙者故名殿為存仙門為望仙穆天子傳曰先王之所謂策府郭注云藏書冊之府也漢書

有芝房歌佛經有栴檀林冰谷銀砂山樓石柱異嶺共雲同峯別雨

華嚴經曰如日光出時無熱池中金沙銀沙一切寶物皆有日影于中顯見冀城餘俗河西

舊風水聲幽咽山勢崆峒

隋書地理志天水郡冀城縣後周曰冀城郡國志曰隴西

郡河關積石山在西南河水出秦川記隴頭歌有云隴頭流水鳴聲幽咽史記黃帝紀曰西至於崆峒應劭曰

山名韋昭  
曰在隴右

法雲常住慧日無窮方域芥盡不變天宮

華嚴

經曰不壞法雲徧覆一切法華經曰慧日大聖尊久乃  
說是法劉虬曰菩薩圓淨照均明兩故曰慧日王少頭  
陀寺碑文曰蔭法雲于真際則火宅晨涼曜慧日于康  
衢則重昏夜曉維摩經曰乃見須彌入芥子中佛藏經  
曰四天下中普雨大石皆如須彌有人以手承接此石  
無有遺落如芥子者又云譬如劫盡大火燒時人以一  
唾能滅又以一吹還成世界及諸天宮樓炭經說天地  
遭三災變天宮宮宮相拍碎如粉塵有僧伽風吹水在  
于空中自然變成光音天宮  
七寶所成是為三災三復

終南山義谷銘

并序

括地志云終南山一名中南山一名太一山一  
名南山一名橘山一名楚山一名泰山一名周

南山一名地肺山在雍州萬年縣南五十里

周保定二年歲次壬午七月己巳朔大冢宰晉國公

周書

云晉蕩公護字薩保太祖之兄卽惠公顯之少子也拜大冢宰晉國公

命鑿石關之谷下

南山之材維公匡濟彝倫弘敷庶績變理餘暇披閱山

經以為終南敦物

禹貢曰終南敦物至於鳥鼠鄭康成曰地理志終南敦物皆在右扶風武

功也索隱曰按左傳中南山杜預以為終南山地理志云太一山古文以為終南華山古文以為敦物皆在扶

風武功縣東敦物山名漢書云垂山也

日月虧蔽杕榦栢椅桐梓漆

子虛

賦曰岑荃參差日月虧蔽張揖曰高山雍蔽日月虧缺半見也禹貢云杕榦栢椅師古曰杕木似樗而實榦栢

也枯木相葉而松身純丑倫年代蘊積於何不有乃謀反枯古活反詩云椅桐梓漆

山澤之官兼引衡虞之匠

周禮有山虞澤虞又云林衡若斬木材則受法於山虞而

掌其政令

東出藍田則控灞乘漚

地理志京北有藍田縣山出美玉有虎候山祠秦孝

公置也灞水出藍田谷北入渭師古曰茲水秦穆公更名以章霸功視子孫潘岳關中記曰涇渭灞漚漚漚漚

灞凡八川張揖曰灞水出藍田谷西連子午則據涇北入渭漚水出藍田谷至霸陵入灞

西連子午則據涇

浮渭

辛氏三秦記曰子午長安正南也山名秦嶺谷名褒斜長安志曰王莽有意纂漢通子午道漢書王

莽傳曰莽以皇后有子孫瑞通子午道子午道從杜陵直絕南山徑漢中師古曰子北方也午南方也言通南

北道相當故謂之子午耳今京城直南山有谷通梁漢道者名子午谷又宜州西界慶州東界有山名子午嶺

計南北直相當北山是子南山是午共為子午道括地志云涇水源出原州百泉縣西南筭頭山涇谷渭水源

出渭原縣西七十六里鳥鼠山今名青雀山渭有三源竝出鳥鼠山東流入河派別八溪流分

九谷潘岳關中記曰涇與渭洛為關中三川與渭瀘漘

九谷八溪薛綜曰九谷八溪養魚池按張衡所稱乃賦

東京之事且又養魚池名此在西京必別有八溪九谷

如關中八水等名矣銅梁四柱石關一作雙啓銅梁一作雙蜀都賦注

關在漢中之西青綺春門溝渠交映黃圖曰長安城東出南頭

綺門洞冥記曰王夫人生武帝于綺蘭殿有青雀羣飛子霸城門乃改為青雀門更修飾刻木為綺檠雀去因

名青綺門綠槐秋市舟楫相通潘岳懷縣作曰綠槐夾門植

黃圖曰元始中起明堂列槐

樹數百行朔望持經書及當  
郡所出物於此賣買號槐市  
蓄之則為屯雲泄之則然

行雨

杜篤論都賦曰屯黑雲

青牛文梓白鶴貞松

郭氏室中記曰萬歲樹精為青

牛又曰秦文公造長安宮面四百里南至終南山山有  
梓樹大數百圍蔭宮中公惡而伐之連日不克輒大風

雨夜有鬼問梓樹樹曰豈奈吾何鬼曰若使三百人披  
頭以繞樹豈不敗汝樹默然不應明日人言於秦王王

依此言伐之有青牛逐之入澧州神境記榮陽  
郡有孤松千丈常有雙鶴晨必接翻夕輒偶影運以冥

宮崇斯雲屋千櫨抗殿龍首干雲

說文曰櫨櫨柱枿也西京賦曰疏龍首以

抗殿薛綜曰抗舉也潘岳關中記曰未央宮殿皆疏龍  
首山土作之三秦記曰昔有黑龍從南山出飲渭水其

行道為龍首山

萬頃疎苗蟬鳴再熟

易稽覽圖曰夏至後三十日極溫夏至景風生蟬始



鳴川后讓德山靈景從

洛神賦曰川后靜波

豈如運石甘泉纔通

櫟陽之殿

博物志曰始皇陵在驪山之北運取大石於渭北渚歌曰運石甘泉口渭水為不流地理

志櫟陽屬左馮翊黃圖曰高祖初居櫟陽

穿渠穀水直繞金墉之城

山海經曰傳山

之西有林焉曰墉冢穀水出焉東流至於洛述征記曰穀洛二水本於王城東北合流所謂穀洛關也陸機洛

陽記曰金墉城在宮之西北角魏故宮人皆在中

將事未勞為功實重國富人

殷方傳千載因功立事敢勒山阿

張載創闢銘曰勒銘山阿敢告梁益

曰

寥廓上浮崢嶸下鎮

楚辭曰下崢嶸而無地兮上寥廓而無天漢書師古注曰寥廓宏遠

也崢嶸  
深邃也

壁立千丈峯橫萬仞

張載劍閣銘曰壁立千仞

桂月危懸風

泉虛韻

按酉陽雜俎曰舊說月中有桂故云桂月風泉虛韻者言風籟泉聲俱成韻也

乘興嶺

阪舉插雲根

西都賦曰荷插成雲銑曰插歟也張協詩曰雲根遊八極

八溪分注九

谷通源

八溪九谷注見本序

北涵桐井南浮石門

魏文帝詩曰雙桐生空井山海

經曰積石之山其下有石門河水冒以西南流

模象大壯規繩百堵

周易曰上古穴居而

野處後世聖人易之以宮室上棟下宇以待風雨蓋取諸大壯左思魏都賦曰思重文摹大壯詩曰藥室百堵

葛九成徘徊千柱

吳都賦曰東西膠葛李善曰膠葛長遠貌魯靈光殿賦曰層曲九成酉陽

雜俎云閭摩那婆羅第二樹中有千柱殿

桂棟凌波柏梁乘雨

三輔黃圖耳泉宮南有昆

明池池中有凌波殿以桂為柱風來  
自香三輔舊事拍梁以香柏為梁也  
疏川奠谷落實摧

柯事均刊木功俾鑿河

禹貢曰隨山刊木又曰道河積

自積石起鑿山穿地以  
通其流至龍門山也

思舊銘

并序

思舊銘者悼梁觀寧侯蕭永作也觀寧之卒王  
褒有送葬之詩子山著思舊之銘昔向秀山陽  
聞笛感音而賦子山與蕭王二君同時羈旅是  
篇皆其鄉關之思及褒薨信作詩云惟有山陽  
笛悽余思舊篇謂斯銘  
也蕭永注見本序

歲在攝提星居監德

一作鵝首

梁故觀寧侯蕭永卒

爾雅曰  
太歲在

寅曰攝提格天官書曰以攝提格歲陰左行在寅歲星  
右轉居丑正月與斗牽牛晨出東方名曰監德一作鶉  
首者月令鄭注曰仲夏者日月會于鶉首而斗建午之  
辰也帝王世紀曰自井十六度至柳八度曰鶉首之次  
於律為蕤賓斗建在午依監德文永卒當在寅年正月  
依鶉首文當在寅年五月按下文為鶉終歲門人謝焉  
至於東首告辭西陵長往是觀寧之羈縻長安不過年  
餘大約承聖以後周明帝二年歲次戊寅此云歲在攝  
提當是戊寅年卒也梁故觀寧侯蕭永鄱陽王範弟也  
觀寧梁時所封為故侯也梁鄱陽王傳云復遣其弟觀  
寧侯永將兵過南川助莊鐵按鄱陽王恢有男女百人  
男封侯者三十九人梁朝宗室甚多於範稱其弟當是  
忠烈王之子也南史周敷傳云敷性豪俠輕財重士侯  
景之亂數至豫章時梁觀寧侯蕭永等避難寓閩數  
信義皆往依之數愍其危懼屈體崇敬厚加給卹送之  
西上按此知永亦西上江陵及元帝敗後與庾信王褒

同時羈旅當亦  
隨例入關者也

嗚呼哀哉人之戚也既非金石所移

古詩

云人身非金石

豈能長壽考

士之悲也寧有春秋之異

淮南子曰春女思秋士悲

高臺已傾稷下有聞琴之泣

桓譚新論曰雍門周以琴見孟嘗君曰臣竊為足下

有所常悲夫角帝而困秦者君也連五國而伐楚者又君也天下未嘗無事不從即衡從成則楚王衡成則秦帝天以秦楚之彊而報弱薛猶磨蕭斧而伐朝菌也有識之士莫不為足下寒心天道不常盛寒暑更進退千秋萬歲之後宗廟必不血食高臺既已傾曲池又已平墳墓生荆棘狐兔穴其中游兒牧豎躑躅其足而歌其上曰孟嘗君之尊貴亦猶是乎於是孟嘗君喟然太息涕淚承睫而未下雍門周引琴而鼓之徐動宮商叩角羽終而成曲孟嘗君遂歎歎而就之壯士一去燕南有曰先生鼓琴令文立若亡國之人也

擊筑之悲

史記曰荆軻愛燕之屠狗及善擊筑者高漸離日與飲於燕市太子丹使荆軻獻督亢地

圖于秦太子送之易水高漸離擊筑荆軻和而歌曰風蕭蕭兮易水寒壯士一去兮不復還荆軻敗後高漸離變

名姓為人庸保匿作於宋子聞其家堂上客擊筑高漸離乃退出其匣中筑擊筑而歌客為流涕宋子傳客之

聞於秦始皇始皇使擊筑未嘗不稱善稍益近之高漸離乃以鉛置筑中復進得近舉筑扑秦皇帝不中遂誅

高漸離終身不近諸侯之人索隱曰項羽之晨起帳中筑似琴有絃用竹擊之取以為名

李陵之徘徊岐路

史記項羽晨起帳中歌曰力拔山兮氣蓋世漢書曰李陵字少卿武帝天

漢二年為騎都尉出居延至浚稽山與匈奴相值戰敗降匈奴為右校王李陵與蘇武詩云徘徊躑躅路側恨恨

不能韓王孫之質趙韓王孫韓公子也按史記韓宣惠王十一年君號為王故云王孫淮

陰侯傳漂母曰吾哀王孫而進食蘇林曰如言公子也  
索隱曰劉德云秦末多失國言王孫公子尊之也按失  
國猶稱王孫是韓之公子得稱王孫矣按國策世家無  
韓公子質趙之事疑即質秦史記曰韓王絕秦十九年  
大破我岸門太子倉質於秦以和秦與趙同祖  
後始皇生於趙城因姓趙氏秦趙或可通稱耶  
楚公子  
之留秦  
史記曰楚頃襄王使黃歇與太子完入質於  
秦秦留之數年楚頃襄王病太子不得歸  
無

假窮秋於時悲矣

宋玉曰悲哉  
秋之為氣也

况復魚飛武庫預有棄

甲之徵

魏志曰嘉平四年夏二月魚二見於武庫屋上  
十一月詔王昶等征吳十二月吳大將軍諸葛

恪拒戰大破衆軍於東關不利而還又王肅傳曰有二  
魚長尺集於武庫之屋有司以為吉祥肅曰魚生於洲  
而亢于屋介鱗之物失其所也邊將其  
始有棄甲之變乎其後果有東關之變  
鳥伏翟泉先見

橫流之兆

晉書五行志曰洛陽步廣里地陷有蒼白鵝出蒼蒼者飛翔冲天白者止焉陳留董養嘆曰

步廣周之翟泉盟會地也白者國諱蒼者異象自後有劉淵之亂

星紀吳亡庚辰楚滅

左傳昭三十二年曰吳伐越晉史黯曰不及四十年越其有吳乎越得歲而吳伐之必受其凶杜預曰此年歲在星紀星紀吳越之分也有亡之數不過三紀歲星三周三十六歲故曰不及四十年哀公二十二年越滅吳又定四年傳曰吳楚戰於柏舉楚師敗績庚辰吳入郢以班處宮

紀侯大去鄆子無歸

左傳莊四年曰紀侯不能下齊以與紀季夏紀侯大去其國遠齊難也世本云紀姜姓國伯爵也杜預曰紀國在東莞縣又昭十八年傳曰鄆人藉稻鄆人襲鄆遂入之盡俘以歸鄆子曰余無歸矣世本云鄆姁姓國也杜元凱曰鄆國今琅邪開陽縣鄆音禹許慎郭璞皆音矩國名

原隰載馳輶轅長別

詩曰



於彼原隰又衛風曰載馳驅左氏傳曰許穆夫人賦  
載馳杜預曰夫人痛衛之亡思歸唁之不可故作詩以  
言志東京賦曰邪徑捷乎甲裳失矣餘皇棄焉左傳宣  
轅轅薛綜曰轅轅阪名也

甲裳失矣餘皇棄焉

十二年

郊之戰云趙旂棄車而走林屈蕩搏之得其甲裳又昭  
十七年曰楚人大敗吳師獲其乘舟餘皇杜預曰餘皇

舟名河傾酸棗杞梓與檣櫟俱流

漢書曰漢興三十有九年孝文時河決酸棗東

隴金隄大發卒塞之班固云文埋酸棗武決瓠歌是也  
水經注曰今無水史記正義曰酸棗屬滑州黃河南岸  
地迷異記曰耆舊說周秦間河南雨酸棗遂生野棗今  
酸棗縣是也左氏傳曰杞梓皮革詩小雅四牡云集于  
芑杞爾雅云杞枸櫞郭云今枸杞也陸璣疏云一名苦  
杞一名地骨又爾雅云檣梓郭云即楸陸璣疏云楸之  
疏理白色而生子者為梓詩云山有檣爾雅云檣山檣  
陸璣云山檣與田檣略無異葉似差狹耳吳人以其葉

為茗詩秦風云山有芑櫟爾雅云櫟其實棣陸璣云海  
秦人謂柞櫟為櫟河內人謂木蓼為櫟椒櫟之屬也

淺蓬萊魚鼈與蛟龍共盡

列子曰渤海之東有大海焉  
其中有五山一曰蓬萊隨波

上下往來不得暫峙山海經曰蓬萊在海中神仙傳麻  
姑曰向到蓬萊又水淺于往日會時畧半耳說文曰魚  
水蟲也按爾雅鼈鼈之類總名釋魚以皆水類也王逸  
楚辭注曰小曰蛟大曰龍言河傾則諸木並流海淺則  
衆類俱盡以喻國破則焚香複道詎歛遊魂聚窟洲有  
智愚貴賤並遭其難也

焚香複道詎歛遊魂

述異記曰

返魂樹伐其根心於玉釜中煮取汁又熬之令可丸名  
曰驚精香或名震靈丸或名返生香或名却死香死尸  
在地聞氣即活博物志云漢武帝幸上林苑西使至乘  
輿間并奏其香帝付外庫後長安中大疫西使乞見請  
燒所貢香一枚以辟疫氣帝不得已聽之病者登日並  
差長安中百里盛聞香氣芳積九十餘日香猶不歇漢

書叔孫通傳曰惠帝為東朝長樂宮作複道方築武庫南叔孫通曰陛下築複道高帝寢衣冠月出遊高廟子孫奈何乘宗廟道上行哉惠帝懼曰急壞之通曰入主無過舉今已作百姓皆知之矣願陛下為原廟監廣宗廟大孝之本又成帝紀曰元帝即位成帝為太子上嘗召太子出龍樓門不敢絕馳道西至直城門得絕乃度三輔黃圖曰桂宮周迴十里內有複道橫度西至神明臺按上下有道曰複複音復複道即馳道也周易曰遊魂為變焚香是漢代事是以西域表月支之獻南海置涪陽之尉漢帝出警遂置複道焚香以辟惡氣此云焚香複道詎歟遊魂者即載酒屬車寧消愁氣

東方朔別傳曰

武帝幸甘泉長平坂道中有出赤如肝頭目口齒悉具驅還以報上使視之莫知之時朔在屬車中令往視焉朔曰此謂怪哉是必秦獄處也上使按此圖果秦獄地上問朔何以知之朔曰夫積憂者得酒而解乃取虫置

酒中立消賜朔帛百匹後屬車上盛酒為此也漢書揚雄傳曰是時趙昭儀方大幸每上甘泉常法從在屬車間豹尾中服虔曰大駕屬車八十一乘作三行尚書御史乘之最後一乘縣豹尾以前皆為省中又遊俠陳遵傳云揚雄酒箴曰鴝夷滑稽腹大如壺盡日盛酒人復借酤常為國器託于屬車出入兩宮經營公家由是言之酒何過乎師古曰天子屬車常載酒食故有鴝夷也

芝蘭蕭艾之秋形殊而共

瘁羽毛鱗介之怨聲異而俱哀

楚辭曰何昔日之芳草兮今直為此蕭艾也淮

南子曰紫芝蕭艾俱死世說曰毛伯成既負其才氣常稱寧為蘭摧玉折不作蕭艾紫張衡西京賦曰所好生毛羽所惡成瘡痂淮南子曰毛羽者飛行之類也故屬乎陽介鱗者蟄伏之類也故屬乎陰所謂天乎乃曰蒼蒼之氣

詩黍離云悠悠蒼天彼何人哉毛傳遠視之蒼蒼然則稱蒼天莊子曰天

之蒼蒼其正色耶爾雅曰春為蒼天穹蒼蒼天也  
郭注天形穹隆其色蒼蒼因名言天道無知也  
所謂

地乎其寶搏搏

一作搏

之土

楚辭曰棄精氣之搏搏兮王逸曰楚人名員曰搏也搏佐

官切言地亦塊然無知也一作搏搏者怨之徒也何能

感焉

言遭此亂世智愚同盡呼天搶地怨之至也

凋殘殺翮無所假於風飈

零落春枯不足煩於霜露幕府初開賢俊翹首為羈終

歲門人謝焉

後漢書蔡邕薦邊讓於何進曰伏惟幕府初開博選清英華髮舊德並為元龜

至

於東首告辭西陵長往

禮記喪大記曰疾病寢東首於北牖下西陵魏武帝墓魏武遺

令曰時時望

山陽車馬望

一作

別郊門

向秀笛賦曰隣人有吹笛者發

吾西陵墓田

聲寥亮追想疇昔遊宴之  
好感音而嘆故作賦云

潁川賓客遙悲松路

漢書灌夫傳曰

宗族賓客為權利橫潁川夫  
家居卿相待中賓客益棄

嵇叔夜之山庭尚多楊柳

文士傳曰嵇康家有盛柳樹乃漱水以圓之夏天甚清  
涼恒居其下微戲述征記曰山陽縣城東北二十里魏  
中散大夫嵇康園宅今悉為丘墟而父  
老猶謂嵇公竹林地以時有遺竹也  
王子猷之舊徑

惟餘竹林

世說曰王子猷嘗暫寄人空宅住便令種竹  
或問暫住何煩爾王嘯咏良久直指竹曰何

可一日  
無此君

王孫葬地方為長樂之宮

史記曰穉里子名疾  
秦惠王異母弟也昭

王七年穉里子卒葬於渭南章臺之東曰後百歲是當  
有天子之宮夾我墓至漢興長樂宮在其東未央宮在  
其西武庫正直其墓正義曰漢  
長樂宮在長安縣西北十五里  
烈士埋魂即是將軍之

墓

烈士傳曰羊角哀左伯桃二人為死友欲仕於楚道阻遇雨雪不得行飢寒自度不俱生伯桃謂角哀曰

俱死之後骸骨莫收內手捫心知不如子生恐無益而棄子之能我樂在樹中角哀聽之伯桃入樹中而死楚平王愛角哀之賢以上卿禮葬伯桃角哀夢伯桃曰蒙子之恩而獲厚葬正苦荆將軍冢相近今月十五日當大戰以決勝負角哀至期日陳兵馬詣其冢作三桐人自殺下而從之

昔嘗歡宴風月留

連追憶生平宛然心目及乎垂翅秦川關河羈旅降乎

悲谷之景實有憂生之情

淮南子曰日至於悲谷是謂晡時

美酒酌焉

猶思建業之水

晉書五行志曰孫皓初童謠曰寧飲建業水不食武昌魚

鳴琴在操

終思華亭之鶴

晉書陸機曰華亭鶴唳豈可復聞乎

重為此別嗚呼哀哉

麟亡星落月死珠傷

春秋運斗樞曰璣星得則麒麟生萬壽呂氏春秋曰月望則蚌蛤

實羣陰盈月晦則蚌蛤虛羣陰缺

瓶罄罍耻芝焚蕙歎

詩小雅蓼莪云瓶之罄矣惟罍

之恥注云瓶小而罍大也罄盡也淮南子曰紫芝與蕭艾俱死陸機傷逝賦曰嗟芝焚而蕙歎

所望鐘

沈德水聲出風雲

史記封禪書曰昔秦文公出獵獲黑龍此其水德之瑞於是秦更命河曰

德水音上大呂

劍沒豐城氣存牛斗

雷渙別傳曰煥字孔章鄱陽人司空張華夜見異氣

起牛斗間煥見之乎煥曰此謂寶劍氣華以煥為豐城

今煥至縣移獄掘地三十餘尺得青石函一狀中有雙

劍文采甚明煥取南昌西山黃白土用拭劍光艷照耀

乃送一劍與華自留一劍華使以華陰赤土一勛送與

煥煥得土磨劍鮮光愈亮及華誅劍亡後煥子爽帶劍

經延平津劍無故墮水見二龍長數丈光采微發曜日



川映  
潜然思舊乃作銘云

風雲上慘舟壑潛移

言梁朝太清之亂也周易曰雲從龍風從虎風雲上慘喻亂也莊子

曰藏舟于壑謂之固矣夜半有力者負之而趨舟壑潛移喻國變也駸駸霜露君子先危

毛詩曰載駸駸駸駸馬奔貌禮記曰霜露既降君子履之必有悽愴之心抱朴子曰周穆王南征一軍盡化

君子為猿鶴小人為沙蟲按紀侯大去懷王不返上句注見

君子對小人而言故云先危本序史記曰楚懷王見秦王書往會秦昭王昭王詐令一將軍伏兵武關號為秦王楚王至則閉武關遂與西

至咸陽朝章臺如舊臣不與亢禮因留楚王楚人立太子橫是為項襄王三年卒於秦秦歸其喪於楚楚人皆

憐之如悲親戚紀侯懷王樹長埋風流遂遠世說曰庾文康亡何

王瑜觀寧侯去國也

揚州臨葬云埋玉樹著土中使人情何能久之又曰王東亭亡後王敬道與會稽王道子書曰元琳風流之美

公私所寄忽爾喪荀伯卿一作舊縣慶封餘邑荀伯藝文

失豈惟風流相悼

荀伯卿

卿

舊縣慶封餘邑

荀伯藝文

卿史記曰荀卿遠楚申君以為蘭陵令春申君死荀卿因家蘭陵左傳襄二十八年慶封奔吳吳句餘子之

朱方杜預曰朱方吳邑地理志丹徒師古曰即春秋朱

方也蕭子顯齊書曰蕭氏之先蕭何孫侍中彪居東海

蘭陵晉分東海為東蘭陵中朝亂淮陰令慙過江居晉

陵武進縣僑置本土加以南名為南蘭陵人按齊梁俱

淮陰今後永為宗室朱方漢之丹徒魏曰武進晉置

蘭陵是蘭陵本荀卿舊縣南蘭陵又為慶封餘邑也萬

里歸魂脩門詎入

楚辭魂兮歸來入修門注云修墳橫

一作武庫山枕盧龍

史記樛里子墳武庫正直其墓魏志田疇傳曰舊北平郡治在平岡

道出盧龍達于柳城

思歸道遠近葬無從徒留送雁空靡長松

送雁

蘇武事長松東平思王事劉峻所謂東平之樹望咸陽而西靡徒留空靡傷其不能復歸也

平陵之

東無復梧桐

崔豹古今注曰平陵東翟義門人所作也王莽殺義義門人作歌以怨之歌曰平陵

東松柏桐不知何人劫義公仲長子昌言曰古者之葬用松柏梧桐以識其墳也平陵漢屬右扶風

松聲

蕭瑟長起秋風

吳越春秋曰富貴之於我如秋風之過耳

疇昔隆貴提攜語

默

疇昔以下言與信舊交也左傳杜注曰疇昔猶前日也檀記鄭注曰提攜謂牽將行易曰或語或默託

情我阮風雲相得

程阮籍也

有酒如澠終溫且克

左傳有酒

如澠有肉如陵詩云人之齊聖飲酒溫克

朝陽落鳳大野傷麟

傷麟觀寧侯之卒也詩云鳳

鳳鳴矣於彼高岡梧桐生矣於彼朝陽家語孔叢子曰  
叔孫氏之車子鉏商撫於野而獲麟焉衆莫之識以爲  
不祥棄之五父之衢冉有告曰腐身而肉角豈天之妖  
乎夫子往觀焉泣曰麟也麟出而死吾道窮矣乃歌云  
唐虞世兮麟鳳遊今非其時  
佳城鬱鬱流寓於秦獨異志曰

漢書夏侯嬰以功封滕公及死將葬未及墓引車馬踏  
地不前使人掘之得一石室室中有銘曰佳城鬱鬱三  
千年見白日吁嗟滕公居此室遂改卜焉山陽相送惟餘故人注見本序媚機螫

緯獨鶴孤鸞

左傳屢不恤其肆陶潛詩上絃驚別鶴下絃操孤鸞

閨深夜靜風高

月寒生平已矣懷舊何期

潘岳作懷舊賦

匣中絃絕隣人笛悲

文士傳曰嵇康臨死取琴調之爲太平引曲成歎息曰  
太平引絕於今日耶康別傳曰素孝尼嘗從吾學廣陵

散吾每靳之廣陵散於今絕矣謝莊宋武宣貴妃誅曰  
匣有遺絃李善注匣琴匣也隣人笛悲向秀事注見本  
序昔為幕府今成總帷禮記鄭注曰凡布細而疎者謂  
之總今南陽有鄧總總音歲謝

肱銅雀臺詩曰  
總帷飄井幹

玉帳山銘

一作東宮  
玉帳山銘

玉帳山以下梁宮中之小山也一本玉帳山及  
下行兩山並有東宮二字梁簡文集中有明月  
山銘行雨山銘知以下諸銘中大通三年  
後簡文為太子時隨侍東宮之所作也

玉帳寥廓崑山抵鵲

淮南子曰崑山之玉填而塵垢弗  
能汚也高誘曰崑山崑崙也鹽鐵

論曰崑山之旁  
以玉璞抵鳥鵲

總葉成帷連雲

一作枝  
一作珠

起幕

陸機招隱  
詩曰密葉

成翠幄周禮鄭注曰在旁曰帷在上曰幕歸藏啓室曰昔者女媧氏張雲幕

玉策

一作藥

難移

金花不落

山海經曰黃帝取密山之玉策投之鍾山之陰鄴中記曰帳頂安金蓮花此以山名玉帳

故云隱士彈琴仙人看博

神仙傳曰孫登善彈一絃琴風俗通曰漢武帝與仙人對博碁

沒石中馬蹄迹處於今尚存曹植詩仙人攬六箸對博泰山隅

巖留舊鼎竈聚新荆

一作

雲上新荆史記曰黃帝鑄鼎于荆山南越志曰長沙郡劉陽縣東有王喬山山有合丹竈別賦云守丹竈而不顧鍊金鼎而方堅此云煮石初爛燒丹欲成陶弘景真鼎及竈者金鼎丹竈也

煮石初爛燒丹欲成

陶弘景真誥曰斷穀

入山當煮食白石昔白石子者以石為糧故世號曰白石生此至人也今為東府左仙卿

桑田屢變

一作盡

海水頻盈

一作傾神仙傳麻姑謂王遠曰接待以來已見東海三為桑田向到蓬萊又水

淺於往日會時略半耳豈將復為陸乎  
遠嘆曰聖人皆言海中行復揚塵也  
長聞鳳曲永聽

簫聲

列仙傳曰簫史日教弄玉作鳳鳴一旦隨鳳  
飛去秦人為作鳳女祠於雍宮中時有簫聲

### 吹臺山銘

江寧吹嶺錐山出筠秦簫下鳳此岫為真

晉書地理志曰丹陽郡江

寧太康二年分建鄴置丹陽記曰江寧縣南四十里有  
慈母山積石臨江生簫管竹王褒洞簫賦所稱即此也  
其竹圓緻異于衆處自伶倫採竹嶰谷其後惟此簫見  
珍故歷帝給樂府而俗呼曰鼓吹山錐山出筠未詳禮  
記曰如竹箭之有筠也列仙傳曰簫史者秦穆公時人  
善吹簫穆公女弄玉好之公妻之一旦隨鳳飛去言秦  
人吹簫築臺不如吹臺之  
山自然得名者為真也  
青槐避日朱草司  
一作晨爾  
雅

曰懷槐守宮槐葉畫聶而夜炕大戴禮記曰朱草  
日生一葉至十五日已後日落一葉周而復始 石名

### 新婦樓學仙人

蜀記曰梓桐縣有五婦山昔秦遺蜀五美人皆化為石又臨海記云新婦山土

石悉綠色似人形漢武故事曰公孫卿言仙人好樓居  
不極高顯神終不降也于是上於長安作飛廉觀高四

十丈於其泉作

### 吳中字玉城南姓秦

一作中字玉城南君姓秦搜神記曰

延壽亦如之

吳王夫差小女名玉悅童子韓重欲嫁之不得乃結氣  
而死重遊學歸知之往弔于墓側玉形見顧重延頸而

歌云南山有鳥北山張羅意欲從君讒言孔多悲結成  
瘳沒身黃墟命之不造冤如之何羽族之長名為鳳凰

一日失雄三年感傷雖有衆鳥不為匹雙故見鄒姿逢  
君輝光身遠心近何曾暫忘古詩曰日出東南隅照我

### 秦氏比花依樹登榭要春

楚辭注曰無木謂之臺有木謂之榭 舞能留客



一作容

聲便度新雕梁數振

一作遠

無復輕塵

七略曰漢興善歌者魯人

虞公發聲  
動梁上塵

望美人山銘

一作後堂望  
美人山銘

高唐礙石

一作雨

洛浦無舟

宋玉高唐賦曰昔者先王嘗遊高唐倦而晝寢夢見一婦

人曰妾巫山之女也為高唐之客聞君游高唐願薦枕席王因幸之曹植洛神賦曰河洛之神名曰宓妃又云御輕舟而上沂何處相望山邊一樓峯因五婦石是三侯

述異記曰

秦惠王獻五美女於蜀王王遣五丁迎之乃見大蛇入山穴中五丁曳蛇山崩五女上山皆化為石南中志曰有竹王者興於邛水有一女浣於水濱有三節大竹流入女子足間推之不肯去聞有兒聲取持歸破之得男

兒長有才武遂雄夷漢以竹為姓捐所破竹於野成林  
今竹王三郎是也王與從人嘗止大石上命人作墓從  
者曰無水王以劍擊石水出今王水是也破石存焉武  
帝拜唐蒙為都尉以重幣喻諸種侯王斬竹王置牂柯  
郡以吳霸為太守後夷漢以竹王非血氣所生求立後  
嗣霸表封其三子列侯配食父祠與竹王三郎是也

### 崋踰地肺危陵天柱

高士傳曰四皓隱於地肺山括地志曰終南山一名地肺山秦記云

終南又名地肺又真語曰金陵之地地方三十七頃是  
金陵之地肺也爾雅霍山為南嶽郭云天柱山潛水所  
出也地理志云天柱在廬江潛縣又王子年拾遺記云崋崋之山有銅柱焉謂之天柱

### 禁苑斜通

### 春人常

一作恒

聚樹裏聞歌枝中見舞恰對妝臺諸牕晝

一作併

開斜看已識直

一作試

喚便迴豈同織女非秋不來

星經曰織女三星在天市東常以七月一月六七日見東方荆楚歲時記曰七月七日為織女牽牛聚會之夜

### 至仁山銘

峯橫鶴嶺水學龍津

豫章記曰鸞岡西有鶴嶺王子喬控鶴所經三秦記曰河津一名龍

門兩旁有山水陸不通龜魚不能上江海大魚薄集龍門不得上曝腮水次也

瑞雲一片仙童

兩人

洞冥記東方朔云東海有大明之墟有釜山山出瑞雲應王者之符命如黃帝黃雲堯時有赤雲之

祥之類魏文帝詩曰西山一何高高上無極上有兩仙童不飢亦不食與我一丸藥光耀有五色服藥四五

日身輕生羽翼

三秋雲薄九日寒新真花暫落畫樹長春橫石

臨砌飛簷枕嶺壁繞藤苗牕銜竹影菊落秋潭桐疎寒

井

陸機要覽曰西陽山中有甘谷谷中皆菊花墮水中居人飲之多壽有及一百五十有餘歲魏文帝詩曰

雙桐生

空井仁者可樂將由愛靜

### 明月山銘

梁簡文帝有明月山銘其詞曰迢遞峯長威紆嶽聚既正書門兼同天柱非競小山寧論大庾豈學土龍詎須石鼓緋色斜臨霞文橫豎是銘簡文時同作也

竹牕標嶽四面臨虛山危簷迴葉落牕疎看掾有笛對

樹無風

蔡邕長笛賦序曰邕避難江南宿之柯亭柯亭之館以竹為掾邕仰而盼之曰良竹也取以為

笛奇聲獨絕管輅別傳曰輅與倪清河既刻雨期言樹上已有少女微風

風生石洞雲出山

欽定四庫全書

卷十二

根

盛弘之荊州記曰宜都狼山縣有山山下有穴大數尺為風井博物志曰山澤通氣以興雷雲氣觸石膚

寸而合不崇朝以雨陸機感時賦曰凝行雨于雲根

霜朝唳鶴秋夜鳴猿

周處風土記曰

白鶴夜警至八月露降則鳴蜀本紀曰蜀王秀所立三峽明月峽巴峽巫峽荊州記巴東三峽巫峽長猿鳴三聲淚沾裳此云鳴猿以山名明月若巴東三峽矣

堤梁似堰野路疑村船橫埭

下樹夾津門寧殊華蓋詎識桃源

西京雜記曰終南山有樹直上百尺如車

蓋亦云華蓋樹述異志曰武陵源在吳中山盡生桃李俗呼桃李源上有石洞世傳秦末喪亂吳中人於此避難食桃李者皆得仙

行雨山銘

一作梁東宮行雨山銘

梁簡文帝行雨山銘曰巖畔途遠阿曲路深猶  
云息馭尚且抽琴茲峯獨攬裁崎千變卻繞畫  
房前臨寶殿玉岫開華紫水迴斜谿開聚葉澗  
裏紫沙月映成水人來當花樹結如帷磧起成  
基芝香馥遲石鏡臨壩  
是銘亦簡文時同作也

山名行雨地異陽臺

高唐賦曰旦為朝雲暮為行雨朝朝暮暮陽臺之下

佳人無

數神女羞

一作看

來

宋玉神女賦云楚襄王夢與神女遇其狀甚麗

翠幔朝開新

妝旦起

劉公幹齊都賦曰翠幄浮遊

樹入牀頭

一作前

花來鏡裏草綠

一作色

衫同花紅面似開年寒盡正月遊春俱除錦帔併

脫紅輪

沈約詩云紅輪映早寒庾肩吾詩云粉白映輪紅子山和趙王美人春日詩亦云紅輪帔角斜

或云婦女所執暖扇之類

天絲劇藕蝶粉生

或作多

塵

天絲即避絲道書云蝶交則粉

退言行雨山遊絲想折藕飛蝶擬香塵若有人也

橫藤礙路弱

一作垂

柳低人誰

言洛浦一箇河神

洛神賦曰河洛之神名曰宓妃

### 刀銘三首

風伯吹鑪雨

一作雲

師煉冶

高誘淮南注曰風伯箕星師畢星張協七命曰飛廉扇

炭風俗通及王逸楚辭注並云飛廉風伯也吳越春秋曰薛燭善相劍王取純鉤示之薛燭曰臣聞王之初造此劍赤堇之山破而出錫若耶之溪潤而出銅雨師洒道雷師發鼓蛟龍捧爐天帝莊炭太一下觀於是歐冶子曰天地之精

鐵焰朝流金精夜下

吳越春秋薛燭曰夫寶劍者金精從

悉其技巧矣

理至本  
不逆

價重十城名高千馬

吳越春秋越王曰客有買此劍者有市之鄉駿馬千

匹千戶之都其可與乎薛燭曰雖傾城量金珠玉不可與況駿馬萬戶之都乎

千金穎合百鍊鋒成

呂氏春秋曰伍員逃楚至江見一文人刺船渡之員解劍與之曰此

劍其值千金崔豹古今注吳大帝有寶刀百鍊

光連斗氣燄動山精

吳越春秋伍子胥曰

此劍有七星北斗文豫章記曰吳未亡時恒有紫氣見於牛斗之間雷孔章曰是寶劍之精上徹於天耳吳越

春秋曰干將作劍采五山之鐵精

身文水動刃古珠生

越絕書風胡子曰欲知泰阿觀

其鉞巍巍翼翼如流水之波欲知工布鉞從文起至脊而止如珠不可祗文若流水不絕山海經注曰鮫魚皮有珠文而堅可以飾劍口



斗精遙降山靈下從

斗精疑即豐城劍氣光于牛斗者也又吳越春秋子胥云此吾前君

之劍中有七星文按北斗七星此為斗精矣山靈若管子所謂葛盧山發而出金吳越春秋赤董山破而出錫

是水文千曲蛇鱗百重

水文即風胡子所云文若流水也注見上蛇鱗若傳玄歌辭所

謂鏤象龍螭矣燕砥歛刃蜀水開鋒

莊子曰天子之劍以燕谿石城為鋒音義曰燕谿地

名在燕國石城在塞外司馬曰劍刃也蒲元傳云君性多奇思得之天然為諸葛亮鑄刀三千口鎔金造罷特異常法刀成言漢水鈍弱不任淬礪蜀江水夾烈是謂大金之元精天分其野乃命人於成都取之水既至君以淬刀言雜浩水不可用取水者猶悍言不雜君以刀畫水云雜八升何故言不雜取水者叩首曰實於涪津渡覆水懼怖以涪水八升益氣生分景環成屈龍

典論曰魏

之於是咸共驚服稱為神妙

太子丕造寶劍色似米虹光似流星名曰飛景夏書曰  
赫連勃勃造百鍊剛刀為龍雀大環號曰大夏龍雀



庾子山集卷十二